


ՀԱՅԱՍՏԱՆԻ ԳՐՈՂՆԵՐԻ ՄԻՈՒԹՅԱՆ ՆԱԲԱԹԱԹԵՐԹ * ՀՐԱՏԱՐԱԿՎՈՒՄ Է 1932-ԻՑ

Տ ա ա գ ր վ ու մ է չ չ Մ շ ա կ ու լ յ թ ի ն ա խ ա ր ա ր ու լ թ յ ա ն ա ջ ա կ ց ու լ թ յ ա մ ք



Էս աշխարհը մարդակերի աշխարհ է, զավակս, չափազանց բարի լինել՝ կնշանակի հանձնվել: Չպիտի հանձնվես, զավակս, ծաղիկը, որ ծաղիկ է, խոտը, որ խոտ է, էլի պաշտպանություն ունի, դառնություն ունի, փուռ ունի:

Էս կյանքում ոչ մեկը ոչ մեկի լավ ապրելը չի ուզում, հա՛, էր սուր է, էր հեթիաթ է, որ ասում են՝ բարեգործ ենք, օգնում ենք, փայլա ենք... Չէ մի չէ, էր անում են, որ դու միշտ կարիքի մեջ լինես, որ իրենց ենթակայության փակ մնաս...

Տանջանքը մարդու համար է, զավակս, սկզբում փանջվում են վերջի համար: -Բո մեջ կա փանջանքին դիմակայելու ընդունակություն ու որբան ուժեղ է «ես»-ը, այնքան ուժեղ է «մենք»-ը:

-Բռնն ուրիշին չբան: Ինչքան փվեցիր՝ փանելու են, ինչքան փարան՝ խփելու են, ինչքան խփեցին՝ ուժեղանալու են, ուժեղացան՝ բամսիրելու են...

Այսօր ՎԱՐՊԵՏԻ ծննդյան օրն է

Հարցումներ, հարցումներ մենք մեզի կը հարցնենք յաճախ: Նախ և առաջ մենք մեզ քննելու ենք իբրև ազգ՝ հասկնալու թե՛ ինչո՞ւ պարտուեցանք: Ինչ չըրինք որ պետք է ընելինք:

Ինչպե՞ս պատրաստուեցանք երեսուն տարիներ է ի վեր, անխուսափելի պատերազմին, երբ մեկ կողմը՝ բազմատեսակ կերուխումի, միս ստուար կողմը՝ աղքատության մեջ թաթխում էր: Մեկ կողմը՝ անկախություն, միս կողմը՝ նիւթական կախումառություն: Մեկ կողմը հայաձուժ դաստիարակություն, միս կողմը՝ հայ մշակոյթը մատախլապատող գերեվարում մարդիկ: Մեկ կողմը Սահմանադրական Դատարանի պէս բան մը, միս կողմը՝ անիրաւուածներ, հարստահարողներ: Արցախը սրբազան մասունքի պէս պաշտողներ, և մեր պապենական ժառանգի կողոպուտին համակերպողներ: Իբրև օժանդակություն հասած միլիոնատր տոլարները կը ցնդէին և դղեակներ ու ապարանքներ կը բուսնէին՝ իր օրապահիկը հագի վաստկող բնակչության չորս կողմը: Պենթիներ կը սուրային, երբ մամիկներ կարկտնուած փեշերով փողոցները կ'ալկէին: Շարլ Ազնաւուր ցատումով ըսաւ. «Աշխարհ պտըտեցայ, հայ մուրացկան չտեսայ: Մուրացիկը միայն Հայաստանի մէջ տեսայ»:

Երեք տասնամեակ անդադրում թալան և քաղաքական անլրջութիւն՝ մեր գլխուն վրայ ճօճուող վտանգներուն նկատմամբ: Գաղտնի համաձայնութիւններ մեր թշնամիներուն հետ. ծախսեմախելներ: Մահացու ուրուականներ երկրին մէջ, և հագի իր առօրեան կարգի դնող ժողովուրդ, որ ցնծութիւն կը սիրէր: Արուեստ կ'արարէր: Տաղանդներու հոյլեր: Եռանդի բոցեր: Բարիքի ակունք:

Ահաասիկ պայթեցան պատերազմը, 44 օր «Յաղթելու ենք» յանկերգի ընթացքին իր էութիւնը՝ իր արիւնը թափեց մեր մատաղ սերունդը, տնքացին արի վիրատրները, անկտացին իրենց սիրտը ճաթած ծաղիկները, կիներ շուարեցան թե՛ ինչ պիտի ըսեն իրենց զաւակներուն, իսկ զաւակները քունի ժամուն իսկ՝ բաց աչուկներով իրենց հայրը սպասեցին: Քարացան մեր լեռները, արիւնլուայ ու մերկ:

Կը զարմանամ թե՛ այս տարողութեամբ մարդկային ահաւոր ողբերգութեան պատճառ եղող անձինք դեռ ինչպէ՞ս ցերեկը քաղաքականութիւն կը խաղան, իսկ գիշերը հանգիստ իրենց գլուխը բարձին կը դնեն: Այդ տրուած հողերը լուռ չեն, օր մը պիտի բարձրանան և իրենց ահագոռոտ երախին մէջ առ-

նեն զիրենք գերութեան յանձնողները, նոյնիսկ անոնց դիերը:



Նոյններ իննին աթոնական ոռմբի պէս մեր ոսկորները կճռտեց և մեր երկինքը խաւարեցուց Վարչապետին ինքնագլուխ ստորագրած թողոթը: «Դաւաճան» սուլող սուրբերու անվերջանալի տուերամարտեր սկսան աջ ու ձախ սուրալ օդին մէջ, սատանայի աչքերու պէս փալկիլի խաւար երկինքին տակ: Իսկ դիմատետրերն և միտեան ողողեց այնպիսի սև հեղեղ մը լուսանքներու, գրպարտութիւններու, անձքներու իրարու հանդէպ: Հայիոյանքներու հաստ բառարանի մը բոլոր բառերը գործածուեցան շարքաթներով, շլուած բառեր, մէկը միսկն խորդուողոր ու սիրտ խառնող: Ոսկեղենիկ Հայերէնը պղծուեցաւ: Լաւ որ հետզհետէ կորսուեցաւ թափը:

Մինչ այդ տի ու գիշեր մարդիկ երոյթ կ'ունենային յայտնելու թե՛ իրենք ճիշդ են, միսները սխալ են: Իրենք տարիներու փորձառութիւն ունին, երիտասարդները ըսածին չեն գիտեր: Իրենք հայրենիքի պաշտպան են, միսները դաւաճան են. «Ահա ձեզի ցոյց տամ զաղտնի թուղթեր»: Եթէ այդքան սրտցաւ էին, ինչո՞ւ վաղուց չէին յայտնած, չէին ճօճած իրենց «ճշմարտութիւնները»:

Անշուշտ կային նաև լուսաբանող բանավէճեր:

Այս մոճաւանջի ամիսներուն՝ թաքնուած իրողութիւններ կան հարկաւ:

Բայց ինչ որ ակնյայտ է ըստ մասնակից կամ ակնատես մարդոց, այն է որ՝ գեներալները փախեր են պատերազմի վայրէ՛ն, երիտասարդ մատղաշ անփորձառու տղոց թողած առանձին՝ առաջին գիծի վրայ, որոնք կան հերոսաբար կռուած, կան վիրատրուած, և կան ալ՝ էն ողբերգականը՝ նահատակուած են: Անոնք անմեղունակ, հայրենիքի ապագային

յառած մաքրափայլ աչքերով՝ չեն գիտեր ինչ պատահեցաւ իրենց. բայց մենք գիտենք թե՛ անոնք կ'ապրին մշտնջենապէս Եռաբլուրի մէջ: Երկու կաթիլ արցունք ու խունկ իրենց անոյշ յիշատակին: Կալին որ նշանակուած հրամանատարին անբացատրելի բացակայութեան պատճառով՝ իրենց գլխուն ճարին նայեցան,

ինչ իրաւունքով սուսիկ-փուսիկ կը յանձնէր թշնամիին: Ինչո՞ւ իրենց ձեռքերով շինած բնակարաններէն կ'արտաքսուին հայ ընտանիքներ: Ինչո՞ւ ռազմագերիները տակաւին նոխազ կը դառնան ազգերի խժողութիւններու: Ինչո՞ւ այսքան արտասուք ու կսկիծ, անճրկութիւն և կատաղութիւն՝ հայոց աշխարհի մէջ:

Վեհանոյշ ԹԵՔԵԱՆ ԱՍՕԹ ԵՒ ՄԵՂԱՅ

շարքաթներով սոված՝ անտառներու մէջ: Ամբողջ սերունդի մը հոգեվիճակը խախտած է:

Փութած ծառը այժմ կը բացատրուի վերէն վար, փոխանակ վարէն, արմատներէն սկսելու... Ինչո՞ւ նախ չհամարել եղելութեան բոլոր ծայքերը, և ապա՝ կազմալուծել, գտնելու խորքը մեր ողբալի պարտութեան:

Առանց բացառումի բոլոր դերակատարները և անոնց արբանեակները դատարանի մէջ հարցաքննել: Յասիբտ մարդոց կողքին՝ միտեան խճողեր են քաղաքական շահեր և ինքնարդարացում հետապնդողները: Մեծխօսիկները, ստախօսները, յողաններն ու մերթ ընդ մերթ՝ առաքեալները:

Մեր պարտութեան Ինչպէ՛ն-ը գիտենք. ո՞վ և ինչո՞ւն է հարկաւոր: Իրականաբար գետնի վրայ հարցաքննելու է իրաքանչիւրը որպէ՛սզի ի վերջոյ յայտնուի թե՛ ո՞վ էր, որմէ՛ք էին որ պատրաստեցին մեր բազմաւեր պարտութեան թոյլը:

Այդ թոյնի սրուակը պարտադրաբար խմեցին հայոց Հողը, համայն հայ ժողովուրդը ծագէ ի ծագ, և անշուշտ՝ Հայոց Պատմութիւնը:

Կիսաւեր դարձուցին մեր հոգեկայանք:

Ինչո՞ւ փտտեցաւ մեր նորայոյս ծառին արմատը:

Եթէ այսպէս ամէն գլուխէ ձայն մը ելլէ՝ և կորիզը գտնելու աշխատանք չտարուի, պիտի կրկնուին սխալները, ու մեր դատողութիւնը պիտի մնայ թմբիկի մէջ: Հետևանքը - յաւելեալ պարտութիւններ պիտի քառասմբակ յառաջանան, լափելով մեր արժանապատիւ գոյատևելու իրաւունքը:

Հազար ութ հարիւր կոթող, հարիւրատր դարեր իբրև ուխտի խորան պաշտուած տաճարներն ու վանքերը Արցախի՝

Դուք, նախագահներ, ղեկավարներ, պատերազմի՝ պիտի պատրաստուէք, հեռատեսութիւնն ու պայքարը պետք է ձեր հոգին զօրացնէր, որպէ՛զի ստրուկի պէս չխեղճանայիք և չամսնուէք ձեզ իր վրայ հովանի կարգած ժողովուրդը: Անոր հիմա փշրանք մը հաց կուտաք, ճեղքուած երդիքը կը նորոգէք, վարժարան ու այգի անվտանգ կը դարձնէք, պարտադրաբար: Հաշի պահանջող կայ:

Ինչո՞ւ համար Հայաստան թե՛ Սփիւռք՝ հայ ազգը մէկ հոգի ու մարմին դարձած գիշեր ցերեկ տքնեցաւ, զինուորներուն հաց ու վերարկու հասցուց, 44 օրուայ ընթացքին 170 միլիոն տոլար հաւաքեց, յատկապէս պատերազմի զոհերուն ու կորուստներուն համար: Այդ գումարը ձեզի՛ յանձնուեցաւ: Բայց... Պատերազմը հագի աւարտած՝ բարեսիրական կազմակերպութիւններ հապճեալ գործի լծուեցան՝ մէջտեղ մնացողներուն օգնելու համար: Դուք չփութացիք: Ժողովուրդը՝ փերուշան, դուք անդադար արդարացում կը ստեղծէիք աղետին մասին:

Մինչև իսկ գծուած պատասխանատուներ՝ զինուորներուն համար արտասահմանէն նուիրուած քնատուրակները և այլ անհրաժեշտ իրերը ծախեցին նոյն ինքն զինուորներուն: Զաւթեցին անոնց կողուելու անսակարկ նուիրումը և ապրելու իրաւունքը: Դուք գործակից եղաք համայնակուլ ողբերգութեան:

Պարտուած ենք բանի և գործով, կամայ թե՛ ակամայ: Գիտութեամբ թե՛ անգիտութեամբ: Մեղայ մեր զոհերուն ու գերիներուն: Մեղայ հայոց թանկագին ժողովուրդին և իր մշակոյթին: Մեղայ մեր փառապան հայրենիքին:

Ամնալը նուաստացնող է: Մեղան՝ թերևս փրկարար:



Ազգը տնտղում է ինքն իրեն՝ հավերժումի վերջնահաշվարկով

Մամիկ ԿՈՍՅԱՆ - Ընկճախարհի պատերազմի և պայծառ թանձր, որ համարյա անսրբանական է դարձրել ապագան: Նման հոգեվիճակը անունային է, թե՛ փոքրիկ ունեցած իրադարձությունների բնական հետևանք:

Աշոտ ԱԼԵԿՍԱՆՅԱՆ - Մա համահայոց ընկճախարհի հերթական անխուսափելի արարն է: Մենք սրան գնում էինք քայլ առ քայլ՝ թերահաշվարկի ահագնությամբ պայմանավորված: Երկիրն ու ժողովուրդը ընկճախարհ են մատնվել ոչ այնքան «հանկարծառիա աղետի» հետևանքով, որքան աշխարհում միայնակ մնալու օրըստօրե թանձրացող, հոգեշլատիչ զգացողության բերումով: Ազգային հոգեբանության առումով՝ նաև հետևանք է սեփական քաղաքական ապագայի հանդեպ հավաքական հայ մարդու անտարբերության և մտքի ծուլության: Մենք՝ հայերս, չենք ունեցել և չունենք մեր հայրենիքի «տարածքային միասնականության և ամբողջականության գիտակցություն», որովհետև մշակութաբանորեն տարակայացված ու մասնատված ենք եղել և այսօր էլ հիմնականում նույնն ենք մնացել՝ ի Հայաստան և ի Սփյուռու աշխարհի: Մենք չենք ունեցել նաև «արտաքին կյանքի միասնականության գիտակցություն» և, հետևաբար, մենք երբեք չենք հստակեցրել աշխարհում մեր տեղն ու դերը, այլև Հայաստան հասարակապետական միավորի «անհրաժեշտության» հանգամանքը համաշխարհային մեծ ու փոքր խաղացողների համար, քանզի, պահի թելադրանքով, տրվել ենք անհատականացված ու խմբային շահերի բավարարմանը՝ թող որ անգամ մատից ծծած «լավագույն» հայրենասիրական մղումներով: Սակայն պետության ստեղծումն ու հզորացումը ամենևին էլ հայրենասիրական մղում չէ, այլ, ինչպես Իսրայելի օրինակը ցույց տվեց, գիտակցված հաշվարկ: «Գիտակցված» այն առումով, որ կարևորեց պիտի քո իսկ քաղաքակրթական նշանակությունը նախ ինքդ քեզ համար, ապա և աշխարհաքաղաքական թատերաբեմում, և «հաշվարկ»՝ այնու, որ բնագործին համակրանքներդ կարողանաս զսպել, երբ խնդիրը աշխարհում ինքնահաստատման անհրաժեշտությանն է վերաբերում: Չկա միասնական, հավաքական գիտակցություն, չկա արտաքին կյանքի միասնականության գիտակցություն, կունենանք այն, ինչ ունեցել ենք. սեփական կարողությունները թերական գեղագիտական հետևանքներով, այլև միջուկ և չարյաց փոքրագույն օտարին ապավինելու ոչ մի տեղ չտանող անձնապատասխան, ենթագիտակցական թերահաշվարկ: Մա նաև այն դեպքն է, որ սեփական ապագան կերտելու պատրաստ հավաքականությունը ազգային կյանքով ապրելու գաղափարի պահանջարկ պիտի ունենա, այլապես դրա պակասը ու թե՛ շուտ ջլատելու է նրա ինքնիշխան կամքը: Մենք

մեզ միշտ հարց ենք տալիս. «որտեղ մենք սխալվեցինք», հաստատ իմանալով, որ սխալը սխալի վրա գործելով՝ հրաշքին ապավինելը առավել ևս մեծացնում է իրադրության ահաբեկչությամբ պայմանավորված անդառնալի, հիմնարար սխալի անշրջելիության հավանականությունը: Մենք ամեն օր մեր հավաքական թերկատար գործողություններով մոտեցրել ու ծնել ենք սույն սպառնալից իրավիճակը ու հիմա ցանկանում ենք անկտրոնում մենակի ինքնամիսիթարիչ, հուսադրիչ խոսքերով բացերը սվաղել...

Ս. Կ. - Նույն ընկճախարհի սակաբաներից էլ է ջնջել ապրելու նշանները: Գործում եք, որ գրողների, և ոչ միայն, սրբազանություններն ու խոսքի ավելի ցավի ճիչ են, քան գեղարվեստը:

Ա. Ա. - Իրականությունը քողարկելուն միտված համահայկական խառնածխորում բառերը կորցրել են իրենց նախաստեղծ, չափաբերված իմաստային բաղադրիչը, և փոխարենը ընկճախարհ է խուժել հոգիների մեջ: Կյանքը դարձել է գոյանք, ապրելը՝ ապրանք: Չարենցը կասեր՝ «կքած կյանքի բեռի տակ, խոր գերության ընդերքում», գառան մորթու տակ «դիմակավորված» գայլային այտուցով համադամասերները դարձել են կյանքից իրենց հանապազօրյա փայլ փրցնող հայտնությունների հոռետեսիքների շահառուներ: Այս պայմաններում գրող, ստեղծագործող մարդու չափաբերված, տագնապալի և դուրս-ինչ ցավամոռն խոսքը սվինների վրա է ընդունվում արյան բաղանիքներից դեռ աչքը չբացած, քաղաքական տուրևառությունների թանձրությամբ հոգեխառնված մարդանմանների կողմից: Հայրենիքի գլխին առկախված վերահաս արհավիրքի դեմն առնելուն կոչված գեղարվեստի սպասավորներից արտահեղվող սթափանտության ճիչ-աղաղակն ըստ այդմ շեղվում է իր մարդակերտումի ոգեփայլից և ճարտաստ վարգով գորաքայլում արթնության կոչնակը խլացնող ճառասացության խամբախարխալում: Այստեղ է, որ պիտի սավի. Աստված հեռու պահի բարոյականության քարոզիչներից, ցանկալին իրականի տեղ ներկայացնողներից: Այս իրավիճակում՝ խառնակ, անմտահասու իրադարձությունների բովում ցավի, մորմոքի գերավելցուկով ներծծված գեղարվեստական խոսքը դառնում է մարդուն ու հայրենիքին ինքնառնչազման չարափառ ճանապարհից հետ պահելուն միտված խարազնագիր և ոչ ավելին:

Ս. Կ. - Դուք բազմաժանր սրբազանորդ եք՝ պոեզիա, սրճակ, հրապարակագրություն, գրական վերլուծություններ և այլն: Ժանրերի միջև մրցակցություն կա, թե որն է գերակա:

Ա. Ա. - Չէ, մրցակցություն, որպես այդպիսին, չկա: Բայց կա ասելիքի հասանելիությամբ և թիրախային խմբերի հասցեականությամբ պայմանավորված ժանրային ընտրության խնդիր: Դա նման է պատերազմի դաշտում հակառակորդի որոշակի կրակակետը խոցելու, լոցնելու նպատակով

առավել արդյունավետ, ասենք՝ օդ-երկիր կամ օդ-օդ զինատեսակի ընտրությանը: Պարզ է, չէ, որ ճնդուկների վրա թողանթով չես կրակի: Ոչ էլ հանրությանը պաշարած տեղեկատվական սովը կամ քաղաքացիական դիրքորոշման փնտրտուքը բանաստեղծումի անդրենական գիտելիքով չես բավարարի: Այստեղ հրապարակագրությունն իր անտեղիտալի ասելիքն ունի: Արձակն այս երկուսը միավորում է ի մի, մի կողմից՝ ընթերցողին իր հետևից տանելով, բայց և տեղ թողնելով նրա ընկալունակության երևակայախաղին: Դե իսկ գրական վերլուծություն ասվածը, իբրև գիտակերպ պայմանականություն, իր ամբողջության մեջ գրական արտադրանքի ճանաչողական գործառնությունների վերահիմաստավորման գործիքակազմ է, որ կոչված է ընդհանուր տեղի դարձած հասկացությունների լեզվով արտահայտելու պատկերաստեղծումի սահանկող տրամաբանությունը: Կարճ ասած՝ գեղարվեստական խոսքից գիտագործնական նստվածքը մաղաքամել: Մյուս կողմից, գրական ժանրերն՝ իբրև այդպիսիք, այսօր ավելի հաճախ են իրար մեջ թափանցում՝ ձուլվելով ի մի տիեզերապարփակ հոգեկանության, իմաստնախոսության, պատկերաստեղծման ու հարապարակագրական իրագեկումի մերձիմաստները, գործիքակազմ՝

«Այս պատերազմը մեզ դաս չեղավ, Ջի խուսափելու միշտ կար հնար»:

Բոլոր այս գրական-գեղարվեստական ժանրագոյացումները ներկայացնում են պատմական զարգացման տվյալ փուլում մարդու տիրապետության տակ անցած երաժշտանոցի ողջ գործիքակազմը՝ լարային, փողային, հարվածային ու ստեղնաշարային:

Ս. Կ. - Ինչ է թարգմանությունը Ձեզ համար, ինքնարարահայրման հավելյալ միջոց, թե՛ ստավելապես գործնական նպատակ:

Ա. Ա. - Երկունս ի մի: Հետաքրքրության լեզվական խառնաշփոթից ի վեր ժողովուրդներն ու ազգերը՝ տարակայանալով, իրենց աշխարհաճանաչողական շատ թե քիչ ուրույն ճանապարհն են անցել՝ առավելապես լեզվական միջնորդի ուժով: Թարգմանությունը ազգային մշակույթների խառնարանում հավաստագրված հավաքական ու անհատական ջանքերի արգասիքին հաղորդակցվելու միջոց է, աշխարհագրական տարբեր լայնություններում գոյող ազգերին ու դրանք բաղադրող անհատներին հուզող կենսիմաստի, ապրելու եղանակների ու ընկալումների մշտնջենական որոնումներում տարբերություններ ու ընդհանրության եզրեր գտնելու փորձառնական գիտելիքի փոխանակման միջոց, նաև նորի ու չինացածի սպասելիքով: Մյուս կողմից, թարգմանությունը նաև ինքնարտահայտման հավելյալ միջոց է՝ ի ցույց դնելու այն, ինչ ուրիշները քեզնից ավելի լավ և ավելի խորն են ասել՝ կանխելով քեզ: Լայն առումով՝ ինչպես ազգային, այդպես էլ թարգմանական գրականությունը առկա իրականության կրկնապատկման, բազմապատկ-

ման կրկնագործառնություն է իրագործում. «տեսանել անտեսանելին»: Այսպես համաշխարհային գրականությունն է ձևավորվում՝ իրադարձություններով սուղ ու զգացականորեն ճապաղ մարդկային անհատական կենցաղավարության խտացմանը սպասարկու գործիքը: Եվ, սակայն, ինչ է գրականությունը: Գուցե պարաս վախտի խաղալիք է, մտքի ու զգացմունքի գերթանձրացում, աշխարհաճանաչողական հավելյալ գործիք, դրանցից և ոչ մեկն էլ չէ: Երաժշտությունն է, նկարչությունն է, գուցե սեփական վերջավորության գիտակցումին անհաղորդ անհատ մարդու և հավաքական մարդկության մթագնած ուղեղում խաղարկվող հնչյունների, ձայների ու գույների ինքնանպատակ խտացում, սրացում, կարծես էլի՛ չէ, ոչ էլ կախարհանքի կամ մոգության դաշտից է, քանզի միշտ էլ կարող ես խաբկանքի ու խաբեության հմայախաղի արհեստական, շինծու, ձեռակերտ հնարամտությունը հենց տեղում՝ դեպքի վայրում բռնացնել, մերկացնել ու պատին դեմ անել: Եզրակացությունս է, որ գրողն իր միջից է իր գրականության նյութը արարում, ասել է թե՛ ինքն իրեն է արարում և իրենով էլ՝ արտաքին թվացողությունների աշխարհը, որ մեր պատկերացրած իրականության մեջ է գոյում: Մինչդեռ իրականություն ասվածը լավագույն դեպքում լոկ անցյալին կարող է վերաբերել, բայց ոչ ներկային, որն ընդամենը լինելության ընթացք է՝ որպես հնարավորություն, քանի որ ներկան բազմաթիվ հնարավորություններ է, բայց ոչ երբեք ավարտուն իրականություն, որովհետև իրականությունն այն է, ինչն արդեն ձևավորվել-վերջացել է, դարձել հակադրման առարկա ու մնացել է անցյալում: Իրականությունը առավել ևս չի կարող ապագային վերաբերել, որն ըստ էության, դեռևս անգո մի բան է, չգոյություն և ըստ այդմ՝ ժամանակից ու տարածությունից դուրս է, որպեսզի ընկալելի, մտառելի լինի: Այս իմաստով՝ բոլոր մեր թվացողությունները, նաև գրական միջնորդի ուժով մեզ պատկերացող իրականությունը, մեզնից, մեր միջից արտածվող զգայախաբություններ են: Եվ ընդհանրապես խնդիրն այն չէ՝ ճանաչել, թե՛ չճանաչել առկան, խնդիրը տարածաժամանակային այլ հարթությունում է՝ երբ և ինչ ընդգրկմամբ... համակերպվել:

Ս. Կ. - Եթե հնարավորություն լիներ ամեն ինչ նորից սկսել:

Ա. Ա. - Կփոխելի նախ կենսաձևս, ապա՝ նեղ մասնագիտությունս, բայց գրականությունից որևէ դեպքում չէի հրաժարվի: Եվ եթե հնարավորություն ընձեռվեք, կգերադասեի ազատ ստեղծագործող մարդու կարգավիճակը, որևէ հանրային պարտավորությամբ չկաշկանդված՝ բացի, իհարկե, հայկականությունից ու հայ մշակույթի առաջ խոնարհումից, առանց որոնց իմ կյանքը կլիներ կիսատ ու թերկատար: Քաղաքական հավակնություններից միանշանակ կհրաժարվեի, քանզի այս ասպարեզում երկրիդ իսկապես ծառայե-

ԵՎ ԱՆՆՈՒԹ

լու համար դու կան նվիրյալ, յԱստուծոյ կոչեցեալ պիտի լինես, կան գերմարդ, որպէսզի երկիրդ դարձնես իսկապէս հարուստ և ոչ օրապահուստ ու դեռ մի բան էլ՝ իրականությանը գերի: Որ չլինի թե սովորական միջակությունների նման, ինչպես մեր այս վայրիվերո ապրած կյանքը ցույց տվեց, որոնք իրենց վատահված գործից լավից-վատից իբր թե գրով են հանում, երկիրն ու ժողովրդին կանգնեցնեն կատարված իրապատում փաստի առաջ, այս անիրական Արարատյան դաշտում, ինչի դժբախտ ու դժգոյն ակնատեսն ենք մենք այստեղ և այսօր՝ ծեր ու մանուկ, այր ու կին:

Ինչ վերաբերում է կյանքը նորից սկսելուն, ես թերևս առավել հակված եմ կյանքը ուզած պահին փոխելու ընձեռված հնարավորություններից օգտվելուն, որոնց իմացաբանական լիցքերը կարող են ամփոփել մի քանի ուղեմիջային պոստուպատներում:

Երբեք մի՛ կորցրու երկնահայեցության թելը, մանավանդ եթե ժամանակավորապես կտրվել ես հողից...

Երբ կապակցումը բառերի սկսում է խարխուլվել, դու լքում ես բառերը, որ համրանան նրանք Աստուծո գրկում:

Երեկոյանապուր կես՝ հավաքագրել եղած-չեղած բոլոր իրերը մի տուփի մեջ: Մաքրել կերակրատաշտը աստղերի համար:

Որքան մարդս առաջադիմում է իր իմացության մեջ, այնքան կորցնում է իրեն և իր ու աշխարհի միասնությունը՝ ընկղմվելով կեցության մոռացության մեջ:

Աստվածային ճշմարտությունն այսօր տարրալուծվել է հարյուրավոր հարաբերական ճշմարտությունների մեջ՝ մարդկանց կողմից մեջ-մեջ արված:

Մարդս տեսնում է մի աշխարհ, ուր բարին ու չարը հատակորեն տարբերակված են, քանզի նրա մեջ ձգտում է ներդրված դատելու՝ նախքան հասկանալը:

Ապագան ապահով չէ այնքան, որպէսզի ողջը ինքնահոսի մատակարար:

Ողջը, ինչն արվում է բարեկամայեցության պատրվակով, ըստ էության գուրկ է ամենայն ապագայից:

Յուրաքանչյուր ոք ողջ կյանքի ընթացքում երկրորդական հաջողության գերին է մնում:

Կյանքում ամեն ինչ կարելի է հանդուրժել, բացի հանդուրժողականությունից:

Լրացավ գրականագետ, բանասիրական գիտությունների դոկտոր, պրոֆեսոր, Երևանի պետական համալսարանի երկարամյա դասախոս, ակադ. Հր. Թամրազյանի անվան հայ գրականության պատմության ամբիոնի վարիչ, ՀՀ գիտության վաստակավոր գործիչ Սամվել Պարզևի Մուրադյանի ծննդյան 75-ամյակը:

Նա հայ հանրության շրջանում նշանավոր ու փնտրված անուն է, ծանրակշիռ գիտնական, որն անցել է կյանքի հետաքրքիր ու արգասավոր ճանապարհ:

Ծնվել է ՀԽՍՀ Աշտարակի շրջանի Աղձք գյուղում, Հայրենական մեծ պատերազմից վիրավոր վերադարձած մանկավարժի ընտանիքում: Նախնական կրթություն է ստացել հայրենի գյուղի միջնակարգ դպրոցում, ապա ընդունվել Երևանի էլեկտրոնային հաշվիչ մեքենաների տեխնիկումը և այն ավարտել մաթեմատիկոս-ծրագրավորողի մասնագիտությամբ: Մակայն հայ գրականության հանդեպ բացառիկ սերը նրան 1964 թ. բերում է Երևանի համալսարան, որի բանասիրական ֆակուլտետը «Հայոց լեզու և գրականություն» մասնագիտությամբ ավարտում է 1969-ին: Մասնագիտական կողմնորոշման այս շրջադարձի մեջ վճռական դեր են խաղում ոչ միայն անձնական նախասիրությունները, այլև 60-ականների ազգային զարթոնքի մթնոլորտը, Մետրոպ Մաշտոցի ծննդյան 1600, Սայաթ-Նովայի ծննդյան 250, Հովհ. Թումանյանի ծննդյան 100-ամյակների շքեղ տոնակատարությունները, համալսարանական սիրելի դասախոսներ Մ. Մկրտչյանը, Հր. Թամրազյանը, Էդ. Ջրբաշյանը, Էդ. Աղայանը, Գ. Ջահուկյանը: Երևանյան գրական-մշակութային կյանքին անմիջական շփումը և մանավանդ Հովհ. Շիրազի ու Պ. Սևակի հետ անձնական մտերմությունը նրան վերջնականապես կապեցին հայ գրականությանն ու մշակույթին: 1969-72 թթ. նա համալսարանի հայագիտական կենտրոնի աշխատակից էր, Հր. Աճառյանի «Հայերեն արմատական բառարանի», Հ. Մանանդյանի և Գ. Տեր-Մկրտչյանի աշխատությունները տպագրության պատրաստողներից մեկը: 1972 թ. նա դառնում է «Բանբեր Երևանի համալսարանի» հայագիտական հանդեսի պատասխանատու քարտուղար և մինչև 1985 թ. հրատարակում 45 համար: Այս ընթացքում էլ դրսևորվեցին նրա գիտական հետաքրքրությունները նախասիրած հեղինակների հանդեպ:

Թեկնածուական ատենախոսության թեման ակնավոր գրականագետ-քննադատ Հարություն Մուրխաթյանն էր, որի՝ 1910-30 թթ. գործունեությունը նպաստել է մեր գրական մթնոլորտի առողջացմանը, հայ-ռուս գրական կապերին, հին հունական գրականության, Հոմերոսի, Շեքսպիրի, Տոլստոյի, Դոստոևսկու, Բլոկի, ինչպես և Թումանյանի, Սիամանյոյի, Տերյանի ստեղծագործությունների մեկնաբանությանը և մանավանդ Չարենցի, Բակունցի ու մյուս տաղանդավոր գրողների իրավունքների պաշտպանությանը թերուս պրոլետգրողների և ձախ քննադատության վտանգավոր հարձակումներից: Արդյունքը 1984 թ. հրատարակված «Հարություն Մուրխաթյան» մենագրության հրատարակումը:

ԵՊՀ նախապատրաստական ֆակուլտետում տարիներով հայոց լեզու և գրականություն դասավանդած Ս. Մուրադյանը 1984-ից դասախոսական աշխատանքի է անցել հայ գրականության ամբիոնում: Նոր շրջանի հայ գրականության պատմության հետ միասին նրան վստահվեցին «Գրական ուղղությունները և հոսանքները 19-րդ դարի հայ գրականության մեջ», «Ազգային ճակատագիրը և հայ պոեզիան», «Հայ պոեմի արվեստը» (վերջին երկուսը մագիստրատուրայում) դասընթացները, 19-րդ դարավերջի և 20-րդ դարակեսի բանաստեղծներով հարուստ շրջանի (Թումանյան,



Իսահակյան, Տերյան, Սիամանյո, Մեծարենց, Վարուժան, Ռ. Սևակ և ուրիշներ) դասավանդումը:

Երուսաղեմի հայոց պատրիարքարանի հրավերով Ս. Մուրադյանը 1992-94 թթ. հայ գրականություն և Նոր Կտակարան է դասավանդել Ժառանգավորաց վարժարանում և Ընծայարանում: Հիմնականում այստեղի Գյուլբենկյան մատենադարանում է նա կատարել և 1994 թ. ավարտելով իր հետ բերել «Երվանդ Օտյան. կյանքը և ստեղծագործությունը» դոկտորական ատենախոսությունը, որը նոր հայացքով մշակված գիտական ծանրակշիռ խոսք է հայ մեծ երգիծաբանի մասին: «Երվանդ Օտյան» մենագրությունը լույս տեսավ 1996-ին, իսկ նրա լրամշակված տարբերակը՝ 2012-ին:

Իր բազմաթիվ մենագրություններում և գիտական շուրջ 120 հոդվածներում նա լայն ու ընդգրկուն հայացքով է դիտարկել հայ գրականության տարաբնույթ խնդիրները: Նրա տեսադաշտում են եղել 5-21-րդ դդ. մեր գրականության գրեթե բոլոր ակնառու երևույթները՝ Խորենացին ու Բուզանդը, Եղիշեն ու Փարպեցին, Նարեկացին ու Սայաթ-Նովան, Աբովյանն ու Ալիշանը, Նալբանդյանն ու Պատկանյանը, Պեշիկթաշյանն ու Դուրյանը, Շահազիզն ու Ջիվանին, Պարոնյանն ու Օտյանը, Բաֆֆին ու Մուրացյանը, Թումանյանն ու Իսահակյանը, Նար-Դոսն ու Լ. Շանթը, Սիամանյոն ու Վարուժանը, Տերյանն ու Չարենցը, Դ. Դեմիրճյանն ու Ստ. Ջորյանը, Բակունցը և Հր. Մաթևոսյանը, նորագույն բանաստեղծներն ու արձակագիրները:

Նշված հեղինակներին նվիրված ուսումնասիրությունների զգալի մասն ամփոփված է «Գրական հանգրվաններ» գրքի Ա (Եր., 2003), Բ (Եր., 2007) և Գ (Եր., 2010) հատորներում (տպագրության պատրաստ է Դ հատորը): Դրանք մեծ պահանջարկ ունեն ուսանողության շջանում և վաղուց սպասվել են:

Պրոֆ. Ս. Մուրադյանի նախաձեռնությունն է երեք հատորով «Հայ նոր գրականության պատմության» բուհական դասագրքի ստեղծումը: Նրա հեղինակած Ա հատորը քննարկվել է որպես ուսումնական ձեռնարկ երաշխավորվել է տպագրության և լույս կտեսնի շուտով:

Պրոֆ Ս. Մուրադյանը մեծ ջանքեր է ներդրել Հովհ. Շիրազի ստեղծագործությունների ուսումնասիրման, նրա ձեռագրերի հրատարակման բնագավառում: Նրա «Հովհաննես Շիրազ. Բանաստեղծը, մարդը» երկհատոր մենագրությունը (գիրք Ա, Եր., 2012, գիրք Բ, Եր., 2015) արժանացել է ՀԳՄ 2016 թ. «Նիկոլ Աղբալյան» գրական մրցանակին: Նրա խմբագրությամբ, առաջաբանով ու ծանոթագրություններով արդեն լույս են տեսել Հովհ. Շիրազի «Անի» (2011), «Թոնդրակեցիները» (2014) պատմափիլիսոփայական մեծածավալ պոեմները, «Հատընտիր» (2012), «Հուշարձան հայրիկիս» (2017) բանաստեղծություններով հյուսված պոեմը, «Անտիպ էջեր» շարքի երեք գրքերը (Ա, 2018, Բ, 2019, Գ, 2020, տպագրության պատրաստ է ևս երկու գիրք), այժմ չորս սկզբնաղբյուրների համադրությամբ հրատարակության է պատրաստում Հայոց ցեղասպանությունը

ՀԳՄ վարչությունը
շնորհավորում է գրականագետ Սամվել Մուրադյանին
ծննդյան 75-ամյակի առթիվ
«Գրական թերթը» միանում է
շնորհավորանքին

պատկերող «Հայոց դանթեականը» դատաստանամատյան-պոեմի ամբողջական տարբերակը՝ վերականգնելով խորհրդային ժամանակներում արված գլավիտի և խմբագիրների կրճատած մասերը:

Նա այսօր էլ մայր բուռի հայ բանասիրության ֆակուլտետի գործող երևելի դասախոսներից է, որին սիրով են ունկնդրում ուսանողները: Հանրագիտարանային իմացություններով օժտված այս գիտնականը հմտորեն է դեկավարում իրեն արդեն երկու տասնամյակ վստահված ամբիոնը, որտեղ տիրում է գիտական լրջմիտ մթնոլորտ:

Նա անմնացորդ եռանդով մասնակցում է հանրապետության գիտական ու գրական-մշակութային, միջազգային ու հանրապետական գիտաժողովների, դասախոսություններով հանդես է եկել ոչ միայն Հայաստանի ուղիղով ու հեռուստատեսությամբ, այլև Երուսաղեմում, Բեյրութում, Հալեպում, Թեհրանում ու Սպահանում, Թբիլիսիում, ԱՄՆ-ում և այլուր: Մերտ է նրա համագործակցությունը ԵՊՀ արտահամալսարանական կրթության բաժնի հետ, որի ծրագրով դասախոսել է Երևանի և ՀՀ հեռավոր մարզերի դպրոցներում: 11 տարի եղել է ՀՀ Ազգային ժողովի և 7 տարի Շուշիում ամերիկահայ բարերարների կազմակերպած համահայկական ասմունքի փառատոների գնահատող հանձնախմբերի կազմում: ՀՀ ԲՈԿ-ի՝ ԵՊՀ-ում գործող բանասիրական գիտությունների դոկտորի գիտական աստիճան շնորհող մասնագիտական խորհրդի նախագահի տեղակալն է, ՀՀ ԳԱԱ «Պատմաբանասիրական հանդեսի», «ՎԷՄ» համահայկական հանդեսի, ԵՊՀ և ՀՊՄՀ հայագիտական հանդեսների խմբագրական հանձնաժողովների անդամ է, տարիներ շարունակ եղել է ՀՀ Նախագահի պետական մրցանակ շնորհող հանձնախմբի անդամ, ԵՊՀ 2009 և 2019 թթ. եղել է ԵՊՀ 90 և 100-ամյակների առթիվ հրատարակված «Կենսագրական հանրագիտարանի» խմբագրական խորհրդի կազմում, ԵՊՀ գիտական խորհրդի և հայ բանասիրության ֆակուլտետի գիտական խորհուրդների անդամ է, Խ. Աբովյանի, Հովհ. Թումանյանի, ՀՀ Ազգային գրադարանի գիտական խորհուրդների անդամ:

Թեհրանում և Սպահանում վարել է Իրանի հայկական դպրոցների ուսուցիչների վերապատրաստման դասընթացները:

ՀԳՄ անդամ է 2011 թվականից, եռանդով մասնակցում է նրա միջոցառումներին: Պարզևատրվել է գերատեսչական բազմաթիվ մեդալներով ու պատվոգրերով, այդ թվում՝ ՀՀ Ազգային ժողովի պատվոգրով և «Պատվո մեդալով», ՀԳՄ «Գրական վաստակի համար» մեդալով, ՀՀ վարչապետի, ԿԳ նախարարության ոսկե հուշամեդալներով, ԵՊՀ Ոսկե մեդալով, արժանացել է ՀՀ գիտության վաստակավոր գործիչ պատվավոր կոչման:

Սրտանց շնորհավորում ենք վաստակաշատ ու իմաստնացած գիտնականին ծննդյան 75-ամյակի առթիվ և ցանկանում քաջառողջություն, գիտակրթական բեղուն գործունեություն ու սրտի երջանկություն...

Ալբերտ ՄԱԿԱՐՅԱՆ
Բան. գիտ. դոկտոր



Հովհաննես ԱՋՆԱՌԻՐՅԱՆ

Կարին, Մուշ, Անի, Վան
Լ.Բ.

Ժամանակը սառել էր, ժամանակը մեռել էր, ժամանակը կանգ էր առել, ժամանակը դադարել էր: Սպասում էր, գնում, ականջ դնում, դողդողում:

- Բարի երեկո: Երկու կապուչինո: Մեկը՝ շաքարով, մյուսը՝ նորմալ:

Մեծ ուսապարկը մեջքին՝ քայլում էր Աբովյան փողոցն ի վար: Մուգ վեց «Մետրոնոմ» առևտրի կենտրոնի գետնանցումի մեջ, դուրս ելավ գետնանցումից ու դարձյալ գնաց ներքև՝ «Carpisa»-յի, «Ռոբերտո»-յի, «Ռե-նուար»-ի, «Փարիզյան սուրճ»-ի կողքով: Հետո կտրուկ թեքվեց ձախ ու հայտնվեց coffee-house-ի փայտե վաճառատեղանի առջև՝ դալանի դիմաց:

- Մեծ, թե՛ փոքր,- վաճառատեղանի ետևից հարցրեց բարիստան՝ դիմակով ու «ՀԱՂԹԵԼՈՒ ԵՆՔ» գրութայնը շապիկով:

- Ինչ:
- Կապուչինո մե՞ծ, թե՛ փոքր:
- Հս... Մեծ,- պատասխանեց տղամարդը և աչքը չկտրելով շապիկի վրա՝ յի գրությունից՝ մտածեց. «Երբ հասցրին էս շապիկները տպագրել»:

Չէ՛ որ ժամանակը սառել էր, ժամանակը մեռել էր, ժամանակը կանգ էր առել, ժամանակը դադարել էր: Սպասում էր, գնում, ականջ դնում, դողդողում:

Բայց չէր շարժվում:

Ու ոչ ոք չգիտեր, թե երբ նորից կշարժվեն ժամացույցի սլաքները, երբ կհալչի նորից ժամանակը, երբ ամեն ինչ շարժման մեջ կմտնի և կդադարի սպասել...

«Երբ նորից կշարժվեն ժամացույցի սլաքները,- մտածեց տղամարդը,- երբ կհալչի նորից ժամանակը, երբ ամեն ինչ շարժման մեջ կմտնի և կդադարի սպասել»:

Կարին.
«Արդեն գալիս եմ: Ո՛ր ես»:
Մուշ.
«Մեզ համար սուրճ եմ պատվիրել»:
Կարին.
«Հիշում ես, չէ՛, ինձ ասանց շաքարի: Բայց ես մի պահ պիտի կոշկակարի մոտ մտնեմ»:
Մուշ.
«Օրե՛յ»:

Մուշին միշտ թվում էր, թե ինքը շատ բան գիտի ժամանակի մասին: Այդպես էր թվում նրան: Միշտ գիտեր, օրինակ, որ ժամանակը կարող է տարբեր լինել: Որ այս կյանքում այնպես է լինում, որ նայում ես ժամացույցին ու տեսնում ժամանակը վաղուց անցել է,

որ իզուր ես սպասել: Հենց այդ ժամանակ, երբ արագ չես կողմնորոշվում, թե էլ ինչի սպասես, դու մեռած ես լինում: Գիտեր, որ ժամանակը հիշողություն է: Գիտեր, որ մարդկային ուղեղը, փանջ Աստծո, ունակ է շատ բան մոռանալու՝ թե՛ ժամանակավորապես, մի կարճ ժամանակով, թե՛ մի երկար ընթացք, և հենց դրանում է փրկությունը: Իհարկե, գիտեր, որ ժամանակը միշտ գնում է: Որպես բժիշկ՝ գիտեր, որ ժամանակը պարբերաբար ավարտվում է, երբեմն՝ անսպասելի, բայց միշտ վերջանում է, և միայն այդ ժամանակ է կարիք լինում բարձրանալ աթոռի վրա, բացել պապի մեծ ժամացույցի դռնակները և ժամանակը նորից ընթացքի մեջ գցել: Բայց նա երբեք չէր կարող ենթադրել, պատկերացնել, որ ժամանակը կարող է անհետանալ, որ կարող է ընդհանրապես չլինել: Ասես սիրտդ չի խփում, ասես թե համրացել ես, խլացել, կուրացել, ասես՝ ոչինչ չկա: Ժամանակը կարող է անհետանալ, երբ քեզ ստրկացրել է

Ժամանակը սառել էր

տագնապը: Այդժամ դու ուղղակի դադարում ես ապրել: Ժամանակը անհետանում է այն ժամանակ, երբ ավարտվում է կյանքը:

Կյանքն այդ ժամանակ ավարտվեց: Եվ միայն թույլ, անվստահ, «թե-լանման» զարկերակ հայտնվեց, երբ նա տեսավ Կարինին: Դուրս գալով «Մետրոնոմ»-ի գետնանցումից, Աբովյան փողոցով ցած իջավ, անցավ «Carpisa»-յի, «Ռոբերտո»-յի, «Ռենուար»-ի, «Փարիզյան սուրճ»-ի կողքով... Կարինեն Մուշեղին սկզբում չնկատեց, իսկ հետո նկատելուն պես գլխով արեց, նշան անելով, որ մտնում է դալանից ներս, որտեղ, ինչքանով որ Մուշեղն էր տեղյակ, կոշկակարի բողկան էր: Կարինեն մի կոշիկը պահել էր ձեռքին, այդ պատճառով էլ երկու քառորդ տակտի տակ զվարճալի կաղում էր, իսկ բոբիկ ոտքը զգուշորեն դնում էր մայրի բետոնե սալիկների վրա:

«Կյանքին (կամ մահին) հաղթելու համար, պետք է հաղթել ժամանակը,- մտածեց Մուշեղը:- Քանի դեռ մենք չենք հաղթել մեր ժամանակը, մենք չենք ապրի»:

Մուշեղը վճարեց սուրճի համար, նորից կարդաց վաճառատեղանի մյուս կողմում բարիստայի շապիկի վրայի գրությունը, ապա քայլեց դալանի կողմը՝ երիտասարդ կնոջ հետևից: Բակի կողմից դուրս գալով՝ տղամարդը թեքվեց կոշկակարի մոտ և ուսով բացեց դուռը:

- Բարև Ձեզ,- կոշկակարին ողջունեց Մուշեղը:- Պրիվետ,- ողջունեց Կարինին ու մեկնեց նրան կապուչինոյի բաժակը:- Ահա քոնը, առանց շաքարի:

- Վայ, ապրես:

Կոշկակարն արդեն հրաշքներ էր գործում կոշիկի կրունկի հետ, և թվում է, թե ոսպնիքով ռազմաճակատից հաղորդվող լուրերն էր լսում:

- Պատկերացնում ես, տնից դուրս եկա, իսկ էս հիմար կրունկս կտրվեց: Բայց էլ հավես չկար տուն վերադառնալու: Մարդիկ ինձ երևի ապուշի տեղ դրեցին:

- Պատկերացնում եմ:

Կինը բոբիկ ոտքը դրեց կոշկակա-

րի՝ դեմ տված թերթի վրա ու սուրճից կում արեց:

- Վայ, ապրես դու: Ինձ հիմա մե-

նակ սուրճը կփրկել:

- Դու ո՞նց ես,- նրան ընդհատեց Մուշեղը:

- Բոլորի նման...- հնչեց պատասխանը:

- Հսի,- մտածկոտ միացավ խոսակցությանը կոշկակարը: Երևում է նա այնուամենայնիվ մինչև վերջ կենտրոնացած չէր լուրերի ու կրունկի վրա,- մենք հիմա բոլորս ենք բոլորի նման: Պատերազմ է...

- Պատերազմ է...- կրկնեց Մուշեղը ու մտածեց. «Միայն թե Կարինեն հիմա չսկսի հարցեր տալ»: Բայց նա յեղով կնոջը՝ տղամարդը հասկացավ, որ հարցերը սպասվում են հետո, երբ դուրս կգան այդտեղից ու Երևանի աղեղնաձև փողոցներով կքայլեն Կասկադի կողմ:

Երևանի վրա տարածվում էր մթնշաղը, և տարօրինակ էր դա չնկա-

մավոր գրվելու: Բայց ինձ չվերցրին: Ուրքիս պատճառով: Պրոթեզ է: Էն մի պատերազմից: Ասում են՝ հիմա շատ լավ պրոթեզներ են դնում: 90-ականներին կարգին բան չկար: Բայց ասա՛ ինչ կար 90-ականներին:

- Հսի, 90-ականներին ամեն ինչ ուրիշ էր,- համաձայնեց Մուշեղը և նայեց, թե ինչպես է Կարինը սուրճը խմում:

- Լսո՞ր վոյենկոմատում...- սկսեց պատմել կոշկակարը,- միջին տարիքի մի մարդ եկել էր, որ կամավոր գրվեր: Մեկ էլ սեփական հորը տեսավ՝ քիճա մարդ, եկել էր հերթի մեջ կանգնել: «Ա՛յ պապ,- զարմացած հարցնում է,- դու էստեղ ինչ ես անում, հը՞»: Բիճեն նայեց տղուն, մեկ էլ. «Այ քաքլան, բա գիտեիր հայրենասիրությունը մորիցդ ես ժառանգել»: Բոլորս խնդացին:

- Գրանցեցին պապիկին,- հարցրեց Կարինեն:

- Չէ՛ հս: Ասեցին՝ գնա՛ տուն, ոտքի տակ մի՛ ընկի: Նա էլ գնաց՝ քֆրտե-լով... Վերջ: Ես գործս պրծա,- ու կոշ-

կակարը սեղանի վրայով մեկնեց կոշիկը:

Մուշեղը ծնկի իջավ ու Կարինեի ոտքին հագցրեց կոշիկը: Հետո ոտքի ելավ, վճարեց կոշկակարին, վերցրեց իր ուսապարկը, ու նրանք դուրս եկան՝ կապուչինոյի դատարկ բաժակները զցելով մուտքի մոտ դրված աղբանոթի մեջ, որի վրա գրված էր. «Դիմակների ու ձեռնոցների համար»: Երբ Մուշեղը նայեց Կարինեին, հասկացավ, որ կինը լալիս է:

- Ինչ եղավ:

- Ըսքան ժամանակ դեռ ոչ մի տղամարդ ծնկի եկած ինձ կոշիկ չի հագցրել: «Մոխրոտիկը» կարդալուց հետո միշտ էդ եմ երազել:

- Ահա...

Դուրս եկան Տերյան փողոց, բարձրացան, ապա թեքվեցին Մոսկովյան, անցան Պրոսպեկտը և անցնելով Սարոյանի հուշարձանի կողքով՝ գնացին դեպի Գաֆեևյան այգի, քանդակների ու ինստալյացիաների մոտով՝ Կասկադի կողմը:

- Անին ո՞նց է: Դիմանում է:

Մուշեղը չէր սիրում, երբ Կարինեն կնոջից հարցեր էր տալիս: Հակիրճ պատասխանեց. «Դիմանում է, բայց մանրից խելագարվում է», ու հիշեց Անիի վերջին խոսքերը, երբ արդեն տան միջանցքում էր ու հրաժեշտ էր տալիս.

- Երեխուս եմ բեր, հետո ինչ ուզում ես՝ արա: Ուզում ես՝ թող, գնա: Ուր ուզում ես: Ում մոտ ուզում ես: Մենակ թե տղուս եմ բեր...

Ամենասարսափելին այն էր, որ այդ պահին սենյակից դուրս եկավ հայրը, ծեր, շատ ծեր Վան ավագը, Վան Մուշեղովիչը: Նա գրկեց քառասներեքամյա որդուն ու ուղիղ ականջի մեջ շշուջաց այնպես, որ Անին չսի (երբ սկսեցինք հայտնվում էր, ինքը մի կողմ էր քաշվում):

- Եթե շրջափակման մեջ ընկնեք... Եթե զգաս, որ գերի ընկնելուց չեք խուսափի, Վանիկի վրա կրակիր, հետո քեզ վրա կրակիր: Էս ազգասունով, ոնց որ մերն է, ավելի լավ է մեռնել, քան դրանց գերի ընկել... Լսեցին:

Մուշեղը համբուրեց հորն ու հե-

տելը: Չէ՛ որ ժամանակը սառել էր, ժամանակը մեռել էր, ժամանակը կանգ էր առել, ժամանակը դադարել էր: Եվ ինչպես պարզ կդառնա հետո, ժամանակը կանգ էր առել պատերազմի ուղիղ քառասներորս օր, իսկ հետո այն այնպես կանհետանա, ասես երբեք ժամանակ գոյություն չի էլ ունեցել, իսկ հետո կգա անժամանակ աշունը, նրանից հետո՝ անժամկետ ձմեռը: Եվ ինչ որ մեկն անպայման կասի. «Ասում էի, չէ՛»:

Պայծառատեսները երկու տեսակի են լինում: Առաջինները սովորաբար չարախնդում ու ուրախանում են. «Ասում էի, չէ՛»: Մրանք շահամոլ պայծառատեսներն են: Նրանք, ում ինչ-որ բան է պետք: Բայց կան նաև երկրորդ տիպի պայծառատեսներ: Երբ պոկված ու արյունոտ սիրտն ափի մեջ մեկնած ու ցավից ձայնը կորցրած՝ շշուջում են. «Բայց ես ասում էի, ես նախագուշացնում էի...»: Առաջինն էլ, երկրորդն էլ նույն քանակով գոյություն ունեն:

- Բյուկզակիդ մեջ ինչ է,- հարցրեց Կարինը:

- Դեղորայք, բինտ, մատյա, ներարկիչ, թել... Դեղատնից առա,- պատասխանեց Մուշը,- մեքենայի մեջ էլ տուփեր կան: Հիվանդանոցի բակում եմ թողել մեքենան:

Կոշկակարը շարունակում էր հմտորեն դիսկոյի կապուչինոյի փոքր մուրճիկով և շուրթերի արանքում հինգ-վեց հատ փոքր մեխ սեղմած պահելով՝ լսում էր նրանց զրույցը:

- Հաստան ես որոշել գնալ,- հարցրեց Կարինը Մուշին:

- Հս, իհարկե: Վանիկն ախր էստեղ է: Եվ ընդհանրապես...

- Էդպես էլ լուր չկամ երեխուց:

- Չէ՛...

Վերջին մեխը խփելով՝ կոշկակարն ասաց.

- Ես էլ էի առավոտը գնացել կամավոր գրվելու: Բայց ինձ չվերցրին: Ուրքիս պատճառով...

- Ես ոչ մի տեղ էլ չեմ գրվել: Ուղղակի գնում եմ,- բացատրեց Մուշեղը:

Բայց կոշկակարն ասես նրան չստացավ կրկնեց.

- Ես էլ էի առավոտը գնացել կա-

Ժամանակը ամռել էր

նացավ: Ու ամբողջ օրը մտածում էր. «Ո՛նց նա դա կաներ: Ո՛նց կկարողանա դա անել: Հնարավոր է դա»:

Մինչ բարձրանում էին Կասկադի աստիճաններով, Կարինեն պատմեց, թե ոնց էր առավոտյան մետրոյով գործի գնալիս զարմանում, որ վագոններում տղամարդ չկար: Մի երկու-երեք պապի, մնացածը՝ կնանիք: Ինչ է, բոլորը զինկոմիսարիատների պատերի տակ հերթապահում են: Հետո ասաց նաև, որ սկսել է քողարկող ցանցեր գործել:

- Ֆեյսբուքում հայտարարություն կար, ես էլ գնացի: Մեր դպրոցում էր պարզվեց: Դասատուներն էլ, աշակերտներն էլ, կամավորներն էլ, բոլորն էստեղ են: Ով ասես, որ չկա: Նույնիսկ բալետի մի պարուհի ու ֆլեյտահարուհի: Մեզ ձկնորսական ցանցեր ու գործվածքի կտորտանք են բերում (չգիտեմ որտեղից են, բայց մենք դրանց «եղևիներ» ենք անվանում, տարբեր չափերի են լինում): Մենք կտրում ենք, տեսակավորում ենք ըստ չափերի, հետո էդ «եղևիները» կապում ենք նախասրահում կախված ցանցի վրա: Մեզ մոտ արդեն երկու անգամ նախարարությունից կին է եկել, մաստերկլաս է անցկացրել: Հպարտացիք ինձանով, Մհո: Ես արդեն ոչ միայն տեսակավորող, նույնիսկ կտրող չեմ, այլ ինձ արդեն նշանակել են ցանցին «եղևիներ» կապող: Բւն:

- Ապրեն դու:
- Չգիտեմ,- գլուխն օրորոց Կարինեն,- մեր տղերքին իսկի պետք են էս քողարկման ցանցերը, թե չէ, բայց գոնե էս զբաղմունքը օգնում է շատերին, որ չգժվենք... Բա գիտեմ, մի տիկնոջ աչքի գրողն են դարձել. միշտ գալիս, կողքիս է կանգնում, երբ ցանցն ենք գործում, ու ես էլ ականջակալներով եմ աշխատում ու չեմ լսում իր պատմությունները անթիվ-անհամար սիրելիաների ու պատկերներ մեծ ցանկության մասին... Իր տղան էլ է կտրող, գիտես... Վանիկի նման ժամկետային է: Էստեղ էր ծառայում, երբ սկսվեց:

- Հա, Վանի նման,- ինքնամիտք ասաց Մուշը:
- Ու լուր չկա:
- Ոնց որ չկա Վանից,- ինքնաբերաբար ասաց Մուշը:

- Իսկ մի օրից գնում եմ ընկերուհուս մոտ,- շարունակեց իր մասին պատմել Կարինեն, մենք էստեղ ծանրոցներ ենք հավաքում ու փախստականներին օգնություն բաժանում: Էնքան շատ են, էնքան շատ են: Լինում է զանգում եմ, հարցնում՝ ում կոնկրետ ինչ է պետք: Երեկ էսպիսի մի խոսակցություն եղավ:

«Գրում եմ: Կոշիկ: Աղջկա: 36 չափսի: Տղա երեխա: 12 տարեկան: Ինչ-որ տաք բան: Հա, իհարկե: Կգտնենք: Լավ: Գրեցի: Իսկ պապիկին: Ասեցիք, որ պապիկ էլ կա: Պապիկին ինչ է պետք»:

«Դե... Ոչ մի բան... Դեմք է մեր պապը: Փնթիներում է, թե ինչու բերեցինք էստեղ, ուզում էր մնար էստեղ... Հազիվ մեքենա նստեցրինք»,- պատասխանում է կինը գծի մյուս ծայրին:

«Գուցե ի վերջո մի բան էլ պապիկի համար դնենք»,- պնդում եմ ու լսում եմ լսափողի միջից. «Պապի, քեզ ինչ-որ բան պետք է»: Եվ անեղ պատասխան. «Ինձ ոչ մի բան էլ պետք չի»:

«Ասում է՝ ոչ մի բան: Բայց եթե լինի, եթե կարելի է... կոշիկ, 43 չափսի... հողաթափերով է, էդպես է եկել: Ամեն ինչ էստեղ է մնացել... Դեռ վաղը չէ

մյուս օրն էլ պիտի իրեն հիվանդանոց տանեմ... Հիվանդացել է»:

«Լավ... Իսկ ձեզ»:
«Վայ, ինչ եք ասում: Աստծու սիրուն: Ինձ բան պետք չի»:
«Հասցեն ասե՛ք...»

Այ էսպես, սիրելիս: Գուլիտ տարան: - Չէ,- անկեղծ պատասխանեց Մուշը:

Նրանք բարձրացան Կասկադի վերջին հարկաբաժինը, այնտեղ նստեցին դեպի համերգային դահլիճ տանող աստիճանների վրա ու ծխեցին:

Կարինեն այդպես էլ այլևս հարց չուրեք: Ծխեցին, նայեցին, թե ինչպես է այնտեղ հեռվում, գրեթե Երևանի ետևում վարդագույնի տալիս Արարատը՝ շփոթված պատսպարվելով մոխրագույն ամպերի ետևում, և լռեցին ողջ ընթացքում... Մուշեղին դեպի հիվանդանոցի բակում կայանած մեքենան ուղեկցելիս (Կասկադից դուրս եկան Պրոսպեկտ, ապա գնացին Կորյունի փողոցով, հետո մինչև Արովյան փողոց, այնտեղից էլ՝ վերև) միայն Կարինեն ասաց.

- Եթե մեռնես, քեզ դա երբեք չեմ ների:

Մուշեղը նստեց դեպի և սլացավ Ստեփանակերտ: Նա դեռ չգիտեր, ոչ մի կերպ չէր կարող իմանալ, որ առաջին իսկ օրը նա կտեսնի որդուն հինգ կիլոմետր հեռու այն տեղից, որտեղ Մուշեղի իմանալով ծառայում էր տղան:

Նրանց տարիանել էին անտառներ, որովհետև հակառակորդի հարձակումը սկսվել էր այն պահից, երբ մեր բոլոր ստորաբաժանումները ունեւորեցին էին ԱԹՍ-ները: Չգիտեր, որ որդուն հանդիպելուց հետո կուղևորվի Ստեփանակերտի տարածքային հիվանդանոց, որտեղ կբերեն բազմաթիվ վիրավորներ, և առաջին երկու օրը նա կվիրահատի, կօգնի տեղացի բժիշկներին: Այն ժամանակ նա չէր կարող իմանալ, բայց հետո նրան կգանգառի որդին ու կասի, որ նրանց ուղարկում են հյուսիս: Նա միանգամից իր մեքենայով կսլանա նրանց ետևից և ճանապահին կհասնի նրանց: Իր մեքենան կթողնի, կնստի «Ուրալ» և նրանց հետ կգնա ճակատ: Չգիտեր, որ մնացած քառասուն օրը նա արդեն որպես զինվոր կլինի որդու կողքին նրա ստորաբաժանման մեջ: Եվ արդեն ձեռքին հրաձիգ կբռնի:

Մուշեղն այն ժամանակ չգիտեր, որ միայն Արցախում գտնվելու իր վերջին օրը դարձյալ կաշխատի որպես վիրաբույժ: Կվիրի մի վիրավորի: Եվ դա կլինի Կարմիր Շուկայի մոտ: Նա վիրահատությունը կկատարի դաշտային հիվանդանոցում, որը նրանք կստեղծեն ավտոտնակում: Այդ ժամանակ բոլորը մտածելիս կլինեն, թե Կարմիր Շուկան արդեն թշնամու ձեռքում է: Բոլոր դաշտային հիվանդանոցներն այդ ժամանակ արդեն տարիանված կլինեն, Շոշ գյուղի կողմից ճանապարհը փակ կլինի, շտապ օգնության մեքենաները մեծ դժվարությամբ կանցնեն: Վարդանի բրիգադում կիմանան, որ ինքը բժիշկ է: Նրան ուղարկելով կլինող բարձրանալ իրենց մոտ: Այնտեղ կլինեն բուժքույր-կամավորներ, նրանք գործիքներ կունենան, և Մուշեղը կլինողի, որպեսզի բերեն ամենը, ինչ ունեն թելեր, ստերիլ բինտեր, մառոյա: Վիրահատությունը բարեհաջող կանցնի, իսկ հետո վիրավորին մո-

տրված լրագրողների հետ «սիվա»-յով կուղարկեն Ստեփանակերտ: Այսինքն՝ մեծ հաշվով նա վիրաբույժ կաշխատի ընդամենը երեք օր:

Մուշեղը չգիտեր, որ նա կարող է հայտնվել ամենաթեժ կետերում: Հյուսիսից հեռո՛ Ջաբրայիլ, Հադրութ, ապա նորից Ջաբրայիլ, Ջաբրայիլ-Հադրութ և Ֆիզուլի տանող ճանապարհների «9-րդ կիլոմետր»-ում: Ամենուր նա կլինի որդու հետ և ողջ կմնա միայն Աստծո կամոք և պատահաբար: Պատահականությունն էլ է Աստված: Հետախույզների նրանց ջոկատում սկզբում կլինի քսանյոթ մարդ, իսկ վերջում կմնան տասնյոթը. ինքը՝ Մուշեղը, քառասներեքամյա բժիշկը Երևանից և տասնյոթ հոգի քսանամյա տղեկներ, որոնք զինվորական համազգեստի մեջ ավելի մեծ կթվան: Եվ նա ամբողջ ընթացքում կմտածի. «Ո՛նց են կարողանում էս երեխաները կյանքից էսքան բան հասկանալ, որ կարողանում են էսքան խիզախ մնալ»:

Չգիտեր, որ դիրքերից մեկը, որտեղ ինքը որդու հետ կլինի, ութ-ինը ժամ շարունակ կենթարկվի հրետանակոծության: Ջենքը կլինի ամենատարբեր տրամաչափի: Նա չգիտեր, որ Աստծուն շնորհակալ կլինի, եթե հակառակորդը խփի վաթսուամիլիմետրանոց ականանետով: Եթե «Գրադ» ու ԱԹՍ լինեն, նա նույնիսկ չի կարողանա ոչնչի մասին մտածել: Հակառակորդը ԱԹՍ-ները կօգտագործի տարբեր նպատակներով: Դրանք մի քանի տեսակի կլինեն: Օրինակ, կլինեն «նշանատու»-ներ: Դրանցով հակառակորդը պտույտներ կանի դիրքի վերևում, իսկ չորս բույս անց հրետանին կսկսի անվրեպ խփել դիրքին: Նա չգիտեր, որ այդպես կլինի Ջաբրայիլում, երբ նա կմտածի, թե արդեն մեռել են: Նա էլ ոչինչ չի գգա: Ոչինչ չի տեսնի: Ամենուր կլինի սև ծուխ, նրա վրա քարեր կընկնեն, ինչ-որ բեկորներ: «Վան, Վան»,- ձայն կտա որդուն: Եվ երբ որդին կշրջվի, նա կհասկանա, որ ողջ են: Հրետանակոծման ու ունեւորման ողջ ընթացքում նրանք կթաքնվեն «ճեղքերում»: «Ճեղքը» գետնահյուղեր են, որջեր: Լայնությունը մեկ մետր է: Այնտեղ նույնիսկ գետնին կարգին նստել չի լինում: Իհարկե, եթե «Գրադը» հենց դրա վրա ընկնի, այդ ճեղքն էլ չի փրկի: Բայց ականանետներից ու բեկորներից «ճեղքերը» կկարողանան փրկել: Մի դիրքը յոթ դիտակետ է, տասը տեղանոց բլինդաժ և տասներկու տեղանոց ճեղք:

Նա այդ ժամանակ դեռ չգիտեր, որ Վանը վիրավորում կստանա Մարուշեն գյուղում, Կարմիր Շուկայից ոչ հեռու: Նրանց առջև կլինի, այսպես կոչված, Դժոխքի Չորը: Այնտեղ կլինեն յոթ-ութ գյուղ: Նրանք այնտեղ կպահեն գյուղի հրշեջ ծառայության մոտ գտնվող առաջին դիրքը: Եվ հանկարծ կսկսվի ականանետումը: Ականը կընկնի հարևան տանիքի վրա: Նրանք դուրս կվազեն, որպեսզի թաքնվեն մոտակա խրամատի մեջ: Բայց կլավեն երրորդ-չորրորդ հարվածները, և նրանց կծածկի պայթյունի ալիքը: Դարձյալ ծուխ կլինի, նա ոչինչ չի կարողանա տեսնել: Որդին ու նրա ընկերները կլինեն առջևում և մի կողմ կշարժվեն, և Մուշեղը նորից ձայն կտա. «Վան, Վան...»: Մի քանի բույս գիտակցությունը կկորցնի: Իսկ երբ ուշքի կգա, ոչ հեռու ընկած որդուն կգտնի և կշոշափի գարկերակը: Միանգամից չի ստացվի դա

անել, քանի որ չի կարողանա ետ ծալել հագուստի թևքը: Վանը ծանր վիրավորված և կոնտուզիահար կլինի, բայց Մուշեղին այնուամենայնիվ կհաջողվի շոշափել թույլ, անվստահ, «թելաման» զարկերակը, և նրանք այդ ժամանակ կփրկվեն (բոլոր տասնյոթը) միայն այն բանի շնորհիվ, որ պատահաբար, չգիտես որտեղից այդտեղ կհայտնվի մի բեռնատար և նրանց կտանի դեպի Ստեփանակերտ: Արդեն Ստեփանակերտում նրանք նորից կենթարկվեն ունեւորության: Այդ ժամանակ նրանց բեռնատարը այնպես կքոթակվի, որ նրան նորից կթվա, թե մեռնում է: Նրան կթվա, թե ամեն բան կորցրեց: Նրան կթվա, որ ուզում է ձայն տալ՝ Կարին, Անի, Վան, Մհո, բայց դա նրան չի հաջողվի, որովհետև նրանք արդեն չկան:

Եվ ժամանակն էլ չի լինի, ասես երբեք գոյություն չի էլ ունեցել: Չէ որ ժամանակը անհետանում է, երբ ավարտվում է կյանքը: Իսկ նա ոչ մի կերպ չի հասկանա՝ դեռ ո՞ղջ է, թե մեռած: Թե բոլորն արդեն մահացել են: Ջոնվել են:

Միայն պոկված ու արյունոտ սիրտն ավի մեջ մեկնելով, ցավից ձայնը կորցրած՝ կշնչա. «Կարին, Անի, Վան, Մհո»:

Նա ինքն իրեն ձայն կտա ու չի լսի...

Սակայն այդ ամենից ոչ մի բան դեռ Մուշեղին հայտնի չէր: Նա հիմա միայն շտապում էր Ստեփանակերտ՝ մեծ հույս ունենալով, որ կկարողանա կատարել Կարինեին, Անիին ու հորը՝ Վանին տված երդումը:

Նա գիտեր, հիշում էր, թե ինչպես այն պատերազմում վերցրեցին Շուշին. նրա հայտնի հայրը՝ Վան Մուշեղովիչը, այն ժամանակ Մուշեղին իր հետ էր վերցրել: Դա լեզենդար օպերացիա էր: Եվ նրան անհասկանալի էր, թե ինչպես այս պատերազմում հակառակորդին հաջողվեց վերցնել այդ բարձրությունը, չէ՛ որ Շուշին անհնար է վերցնել: Չէ՛ որ գրոհ չէր եղել: Բայց նա ռազմական մասնագետ չի: Նա բժիշկ է և քաղաքականությունից, ինչպես ռազմական գործից ոչինչ չի հասկանում:

Մուշեղը երկար ժամանակ պառկած կմնա *հարսպար* երևանյան հիվանդանոցում. նորից սկսի խոսել, նորից կտվորի քայլել, գդալ ու պատառաքաղ բռնել և շարունակ նայել ու նայել, թե ինչպես է պատուհանից այն կողմ գալիս անժամանակ աշունը, իսկ դրանից հետո՝ անժամկետ ձմեռը:

Երևան, 6 հունվարի 2021 թ.

Թարգմանությունը՝ Մարիա ԼԱԶԱՐԵՎԱՅԻ

Սերժ ԱՌԱՔԵԼՅԱՆ

Ամեն անգամ Պարոյր Սևակի բանաստեղծական արվեստի տաճարը մտնելուց առաջ Վլադիմիր Օդոնսկոյ խոսքերն են մտաբերում. «Պոեզիան նախագուշակն է այն վիճակի, երբ մարդկությունը դադարում է ձեռք բերելուց և սկսում է վայելել ձեռք բերածը»:

Մեծանուն բանաստեղծի պոեզիան էի կրկին վայելում, ցավից ու ներքին տառապանքից ծնունդ առած այդ պոեզիայի հրաշքը: Ու հանկարծ հեռախոսազանգ. իմ ծանոթներից էր՝ Գագիկ Սարգսյանը. «Վաղը կիրակի է, գնանք Զանգակատուն: Մեղքս ինչ թաքցնեմ, չեմ եղել Պարոյր Սևակի տուն-թանգարանում»:

- Անկեղծորեն խոստովանեմ,- ասացի,- ես նույնպես չեմ եղել ու մինչև հիմա էլ չեմ կարողանում ինձ ներել:

Եվ ահա գնում ենք Զանգակատուն: Մեքենան Գագիկն է վարում: Աշնանային պարզ, արևոտ օր է: Պահեստագործի փոխգնդապետ է 64-ամյա Գագիկ Սարգսյանը, զինվորական թոշակառու: Զանգակատին կրկին հանդիպեցի, որ հետաքրքիր գրուցակից է: Ինձ հիացնում էին նրա անկեղծությունն ու անմիջակա-նությունը, դեպքերի, իրադարձությունների մանրամասները հանգիստ, անկաշկանդ պատմելու նրա բնատուր ձիրքը, համեստ, շարային ձգվածության պահվածքը նրա: Համառոտակի պատմեց իր կյանքը: Շուրջ 40 տարի հայրենիքին ծառայած, իր ուսերին ծառայության ծանրությունը արժանապատվորեն տարած զինվորական մարդու կյանք է դա:

Գագիկը մեքենան արգելակում է Պարոյր Սևակի տան բակում: Իմացը տուն-թանգարանն է: Ասես սրբազան տաճար ես մտել՝ շուրթերիդ մի մաքուր աղոթք: Տուն-թանգարանի պատերին սիրելի բանաստեղծի մեծադիր նկարներն են: Ահա ինքը՝ թուխ մազերով, ասպետորեն գեղեցիկ: Աչքերում՝ իմաստություն ճառագայթող աչքերում հոգու կրակն է շողում: Մեր մշակույթի մեծերի հետ է նկարներում, Մարտիրոս Մարյանի հետ. խոնարհված համբուրում է վարպետի աչք: Ծաղկների, կնոջ՝ Նելլիի ու երեխաների հետ... Վերջին նկարներում տխուր է: Դեմքին անքնության, զիջերային ծանր մոգավանջների հետքերն են: Մի այլ նկարում՝ հսկա ժայռաբեկորին նստած խորհում է՝ գլուխն առած ավերի մեջ: Ինչի մասին է խորհում, դժվար է ասել: Նկարներից մեկում մարդիկ ձեռքերի վրա տանում են բանաստեղծի անկենդան մարմինը: Ասես խաչից վար բերված Հիսուսին են տանում: Շնչահատ էի լինում գունդ դառած փղձկոցից: Ասես աքցաններով սեղմում էին կոկորդա: Թանգարանի աշխատակցուհին հավանաբար նկատել էր, որ երկար են նայում նկարին, մտնեցավ և կամաց ասաց. «Դրանք այն պահերն են, երբ ավտովթարի գոհ դարձած Պարոյր Սևակին դուրս էին բերել մեքենայից...», - աղջկա ձայնը դողում էր հուզմունքից: Նման ծանր պահեր մեկ էլ Ծաղկաձորում են ապրել, անտառային կանաչ մի բացատում, այն բացատում, ուր Չարենցն է ռաք դրել:

Գարուն էր, մայիս: Ես այդ օրերին ՀԳՄ Ծաղկաձորի ստեղծագործական տանն էի հանգստանում: Նախօրեին անձրև էր եկել, և թարմ հողահոտով բուրբոկ բացատի ցողաթաթախ կանաչն արձաթին էր տալիս, ցուլցում արշալույսների փայլով: Աշխարհի աղմուկ-ժխտից հեռու, միայնության մեջ խորհում էի այն մասին, որ այս խորհրդավոր բացատն իր թավիշներում քանի տարի հանճարեղ բանաստեղծի ոտնահետքերն է պահում, նրա քայլերի շրշունը: Ես խորհում էի նաև այն մասին, թե դժոխային այն օրերին բանաստեղծի դեմ ահավոր դատաստանից հետո ինչ արին, ո՞ր տարան

ՊԱՐՐՈՒՅՐ ՍԵՎԱԿԻ ՀԵՏ

նրա հանգած, բզկտված մարմինը: Ժամանակներն այնքան դաժան էին, որ նա գերեզման էլ չունեցավ...

Բացատն ինձ համար սրբավայր է դարձել: Այնտեղ ծաղիկները խիտ են ու վայրի: Ցողերն այնտեղ ամպրոպներից պոկված արցունքի կաթիլներ են: Չարենցը չէր կարող չհամայնվել բացատի կուսական գեղեցկությամբ, թեև այդ օրերին հոգեկան ծանր ապրումների մեջ էր: Հասցրեց, արդյոք, գեղեցկությունն այդ լույսի փոխարկել իր տողերում, որ պիտի ջերմացնեին մարդկանց սրտերը:

Չարենցն իմ կողքն է, ինչպես Թումանյանն ու Պարոյր Սևակը:

Ասում են, խիստ վտանգավոր է, երբ մարդը հասնում է արձանի սառնության: Թումանյանի, Չարենցի, Պարոյր Սևակի, մեր մյուս մեծերի բանաստեղծական արվեստի տաճարը մտնեք, օձվեք այնտեղ աստվածային մաքրությամբ ծփացող լույսերով, և դուք, համոզված եմ, կձերբազատվեք այդ սառնությունից... Դուք կմաքրվեք, կբյուրեղանանք ու մանկան աչքերով կնայեք աշխարհին, ինչպես ձեր խոնարհ ծառան, որ հիմա մեծ բանաստեղծի տուն-թանգարանի սրբազան պատերի մեջ փոշուց մաքրել իր հոգու հայելին, հասել է լեռնադյուրային գուլպայության...

...Պարոյր Սևակի գրասեղանն է՝ պարզ ու հասարակ: Գրքեր են գրասեղանին, «Արձագանք» շաբաթաթերթի 1887 թվականի համարները, օրացույցն է, գրամեքենան, փայտե գրչակալը, մոխրամանն ու կրակայրիչը: Ես ուզում էի ձեռք տալ, դիպչել այդ ամենին, որոնց վրա բանաստեղծի մատնահետքերն են: Ցուցափեղկերին նրա գլուխգործոցներից մեջբերված հանճարեղ խոհերն են՝ բանաստեղծական տողերի տեսքով: Հայացքս կանգ առավ հետևյալ տողերի վրա.

*...Այդ ջարդ-սպանողը, նախճիր-եղեռնը,
Որ չի ավարտվել ու չի ավարտվում.
Կարմիր էր, հիմա ձերմակ է դարձել...
...Ուսրի վահանեցեք սպանողից ձերմակ
Սվելի, քան թե եղեռնից կարմիր...*

Ահազանգ է սա, տագնապի զանգ, որ բանաստեղծը հնչեցրել է ավելի քան կես դար առաջ:

Ես այն ժամանակ Բաքվում էի ապրում: Աշխատում էի հայերենով հրատարակվող «Կոմունիստ» հանրապետական թերթի խմբագրությունում, նամակների բաժնի վարիչն էի: Մի կին էր եկել խմբագրություն, հագիվ էր քայլում: Եկել ու պատմում էր, որ իրեն հալածում են, մինչև անգամ գրկել են թոշակից, պատերազմում գոհվածի այրում գրկել են ապրուստի միակ միջոցից: Եվ հաշմանդամ այդ կինը պիտի սովամահ լիներ: Խմբագրությունը, իհարկե, օգնեց, վերականգնվեց Արփենիկ Միրզոյանի թոշակը: Մինչև հիմա էլ այդ կնոջ աչքերն են հիշում, մորմոքից միացող աչքերը... Ես եղել եմ նրա տանը: Ուր նայում էիր, գրքեր էին՝ սեղանին, մահճակալին, լուսամուտի գոգին՝ հայկական, մեր դասականների հատորները: Պատին Արարատ լեռան նկարն էր: Բաքվում, որի երակներով միջնադարյան բարբարոսության սև լավան էր հոսում, հանկարծ սուրբ լեռան նկարը... Ես Արփենիկի մայրիկի միջոցով եմ ձեռք բերել Պարոյր Սևակի «Եղիցի լույսը» և Ջորի Բալյանի՝ այն ժամանակ արգելված «Օջախը»: Հայաստան տեղափոխվելուց հետո փնտրել եմ այդ կնոջը, երկար եմ փնտրել՝

փախստականներով վերաբնակեցված շրջաններում, ամենուր, չեմ գտել սակայն: Ու այդպես էլ չիմացա՝ ինչ պատահեց նրա հետ, ճակատագրի ահեղ հողմը ո՞ր նետեց Արփենիկ մայրիկին, որ խեղճ էր ու անհայրենիք:

Բաքվում ապրող մեր հայրենակիցներից շատերն են Արփենիկ Միրզոյանի դուռը ճակատագրին արժանացել. նրանց աշխատանքից ազատում էին, գրկում թոշակից, դուրս հանում իրենց հին, պապենական տներից: Բաքվում, այո, վաղուց էր սկսվել, դեռ մինչև Արցախյան շարժումը, հայերի դեմ կատարվող ճեղքման նախճիրը, որի մասին Պարոյր Սևակը դեռևս 60-ական թվականներին էր ահազանգել:

...Քարոտ կածանը բանաստեղծի տան բակից իջնում է տնամերձ այգին, ուր Պարոյր Սևակի աճյունն է անփոփած: Աշունն իր ծիածաններն է վառել հովերից խշշող ծառերի ճյուղերին: Խնձորի, սերկևիլի, մասուրի հոտն է տարածվել այգում: Շատ մոտիկից ջրի գլուխ է լսվում: Քիչ հեռու խոտերի միջից ելնող արծաթե ձայնը փոխվում է գնդոցի: «Ինչ բույրեր են, ինչ գույներ: Ես այգու հետ զիջերը կմասնաբաշխեմ», - ասաց Գագիկն ու քայլեց դեպի աշնանային կրակներով ցուլացող մասրենին, սկսեց հայացքով տնողել, շոյել տերևները: Երբ իմացա, որ մասրենին Պարոյր Սևակն է տնկել, ինձ թվաց, թե նրա տերևների թրթռոցներում շունչն է բանաստեղծի:

...Ես այդպես էլ չիմացա, թե ինչպես մատներս հպվեցին նրա ցուրտ շիրմաքարին: Չիմացա, թե ինչպես իմ աչքերի դեմ լույսը սևեր հազավ... Քարացել, համրերի ճիչ եմ դարձել բանաստեղծի շիրմի առաջ: Գրանիտե սև ժայռաբեկորի տակ Պարոյր Սևակի հանգած կյանքն է: Շուրթերիս բանաստեղծական տողեր են թրթռում.

*Ես թորման կոչվող աղավառ նման
Մնկումներում եմ բարձրանում վերև՝
Ուրախացնելով գուցե շափերին...*
Իր փողերն են:

1971-ի հունիսյան այն սև օրը ճակատագրական եղավ անկումը: Եվ դու այլևս չկարողացար բարձրանալ վեր՝ շարունակելու վեճն, փառահեղ քո թոհիչքը աստվածային բարձրություններում: Ու այդպես էլ չիմացանք, թե ինչ պիտի ասեիր վերջին պահերին: Չիմացանք անդարձ հետանալու գաղտնիքը: Ո՞վ կբացի այն:

...Երբ ուզում էինք հրաժեշտ տալ, ինձ թվաց՝ ուր որ է թեթևակի կճոճսա ու կբացվի բանաստեղծի տան փակ դուռը, և շեմին կերևա ինքը՝ Պարոյր Սևակը՝ հայրենի հերկերի թուխը դեմքին, և ես կտեսնեմ նրան՝ կենդանի, կլսեմ նրա ձայնը, կապրեմ մեծ բանաստեղծի հետ առաջին հանդիպման անհուն բերկրանքը: Սակայն հրաշքն այդ չիրականացավ: Ու ես, աշնանային արևոտ օրն ասել հայացքիս մեջ, Զանգակատան լազուր երկնքին էի նայում, որ շողում էր լուսնաքարե գմբեթի նման, նայում էի գյուղից վերև, երկնակապույտի մեջ սուզված սարերին, ուր բանաստեղծի ուրցի ծաղիկն է թփերի տակ ծվարած թախճորեն բուրում:

«Մեր պարտքն է մասունք առ մասունք հավաքել, ամբողջացնել «Անգիր Սևակի» առօրեական և աստվածային կերպարը և հանձնել սերունդներին». Համո Սահյանի այս խոսքերը թող դառնան սրբազան պատգամ մեզսից յուրաքանչյուրի համար:

Հանդիպում Հովսեփ Նալբանդյանի հետ

Հայ-ռուսական համալսարանում հեռավար հանդիպում տեղի ունեցավ ամերիկահայ գրող, հրատարակիչ, մատենագետ, թարգմանիչ, մանկավարժ և հետազոտող գիտնական Հովսեփ Նալբանդյանի (Յովսեփ Նալպանտեան) հետ:

Նա ամենայն մանրամասնությամբ ներկայացրեց իրավիճակը ինչպես ԱՄՆ-ում, այնպես էլ աշխարհում՝ սկսած մերձավոր Սփյուռքից (Վրաստան, Իրան, Սիրիա, Լիբանան) մինչև հեռավոր Լատինական Ամերիկա և Ավստրալիա: Տպավորությունը բանախոսությունից ուժեղ էր, քանի որ այն առատ էր տեղեկություններով և հատկապես փաստերի թարմությամբ: Հատուկ անդրադարձ եղավ հայաստահայության առաջին պայմանի՝ հայկական ամենօրյա դպրոցների փակման փաստին և կարևորվեց նոր դպրոց ունենալու խնդիրը: Առանձին վերցրած՝ օտարության մեջ ապրող հայ մարդու հոգեբանական, սոցիալ-բարոյական խնդիրները, աշխարհի մարտահրավերների առաջ նրա մենակ լինելը և, իհարկե, գուտ ֆիզիկական գոյության պահպանման համար կռիվը, նրան շատ արագ մղում է ազգային նկարագրի կորստի հետ համակերպմանը: Այս հարցում հայի օգնականը և կողմնորոշողը պետք է լինեն բարեգործական և բարեսիրական կազմակերպությունները և հայոց պետությունը: Բարեգործական և բարեսիրական ընկերությունները, ցավոք, ոչ միայն այդքան ուժ և գործություն չունեն, այլ հաճախ նաև՝ ցանկություն ու շահագրգռություն, քանի որ Սփյուռքի մասնատված է ոչ միայն երկրների սահմաններով, այլ նաև կուսակցական, խմբային շահերով:

Ինչ վերաբերում է Հայաստանին, ապա այստեղ էլ ամեն ինչ չէ, որ ճիշտ է արվում և ամեն ինչ չէ, որ Սփյուռքի հարցում կանոնակարգված է: Հայաստանը փոքր և ոչ հզոր երկիր է, չի կարող նյութական և բարոյական լուրջ օգնություն ցուցաբերել, և եթե ինչ-որ բան արվում է օգնության նպատակով, ապա դա էլ տարերային է և սուղ՝ ներկա իրավիճակում փոփոխություն մտցնելու համար:

Բանախոսությունից հետո Հովսեփ Նալբանդյանին ամբիոնի աշխատակիցները հարցեր տվեցին, քննարկեցին խնդիրներ և իրավիճակին առնչվող առաջարկներ եղան:

Ալիս ՀՈՎՀԱՆՆԻՍՅԱՆ

Երբ նրան բերում էին, երևում էր, որ չի հասկանում, թե ուր է ընկել... Կարծում էր, հիմա բոլորը, գլուխները խոնարհած, աջ ձեռքերը կրծքին սեղմած պետք է շարժվեն իր ցուցամատի ուղղությամբ: Բայց չէ, այդպես չեղավ: Երկու կողմերում հավաքված շեյթաններն ու բարի ոգիները մի ակնթարթում խառնվեցին, դարձան հետաքրքրատեսիլների ամբողջ ճիշտ և ճիշտ երկրային կյանքում իրարից առաջ խցկվող լրագրողների պես: Շեյթաններն իրենց ճուտերով արդեն անհամբերությունից շուրթերն էին կրծոտում, ծուռտիկ ոտքերով դոպիում, նրա հետույքն էին ճմկում, մեկ-մեկ էլ նույնիսկ ճլթթացնում: Իսկ բարի ոգիներն իրենց հոգածու, օգնության հասնելու քնքշագին, պատրաստակամ երթուգայով փորձում էին ետ վանել նրանց:

- Ոչինչ,- աչքերը խալորելով վերջիններին հանգստացնում էր Ռեջեփը,- սրանք դեռ չգիտեն, թե ով եմ ես: - Վրայից պոկված ճերմակ սավանով փորձում էր ծածկվել, ձգում էր վիզը, որ երևա իր բարձր հասակը, թեև այս վերուվար ցատկոտող արարածների մեջ դա ուղղակի անհնար էր: Համոզված, որ հենց սկսի իր ոգեշունչ ճառը Մեծ Թուրանի, իսլամի աշխարհացունց հաղթանակների ու հաղթարշավի մասին, բոլորը ավիթերան, շունչները պահած ընկնելու են իր հիպոտիսի տակ, և ինքը խոսելու է՝ Ալլահից ներշնչված: Հիտլերի նման նա էլ համոզված էր, թե ինքն է այն առաջնորդը, որ իր ընտրյալ ժողովրդին տանելու է չարի դեմ արշավանքների: Այս հայերն ու քուրդերը նույնպիսի «ունիվերսալ սատանայական գործակալություն» են, ինչպիսին ֆյուրերի համար հրեաներն էին: Ինքը նույնպես, Հիտլերի նման, պահանջել էր իրեն երիտասարդ ցուլի սերմնահեղուկ ներարկել, բայց բացատրել էր, թե դրանով անվախ ու կատաղի առաջնորդի և ոչ թե սեքս ռումբի հատկանիշներ է ուզում ձեռք բերել... Հիմա էլ էր կատաղի... Ուզում էր վոնդել այս անհասկանալի խաժամուժին, որ տիզի պես կայնում, պոկ չէին գալիս: Հանդարտվելու կոչող նրա ծափերը խլանում էին ավտոժելի ու անախորժ ձայների ժխորից: Աջ ձեռքի լոցնող շարժումները ոչինչ չարժեին: Հրվում էր ինչ-որ ուղղությամբ, որտեղից անսկարագրելի պայծառ լույսի հետ զգլխիչ անուշաբույր էր հորդում... Շեյթանները, այս լույսից, բույրերից ու հրեշտակաձայն երգերի մեղմությունից խրոնած, ետև սկսեցին քաշվել... Բարի ոգիները նրան անվասա հասցրին մի վայր, որտեղ այլևս չէր կարողանում շուրջը նայել... Ինքը այսքան հզոր լույսի կարիք երբևէ չի ունեցել, ինչին է պետք... Բռունցքով շփեց աչքերը:

- Բերեցիք իմ թանկագին զավակ Ռեջեփին,- հնչեց Գաբրիել Հրեշտակապետի մեղմանուշ ձայնը: Նա բարի ժպիտով սղալում էր իր ոսկեհոտ մորթը:

- Դու ո՞վ ես, ինչո՞ւ ես այդպես քաղցր ժպտում, մտքիդ ինչ կա,- կասկածը արդեն վախեցնում էր նրան, բայց հոխորտաց:- Գիտե՞ս, թե ում հետ ես կանգնած դեմ հանդիմանալ: - Գիտեմ, զավակս, իհարկե գիտեմ, դու Ռեջեփն ես: Իսկ ես, դե, Ջաբրայիլն եմ, Ղուրանից պետք է իմանայիր: Հոգևոր ճեմարան ես ավարտել: Գործերս շատ էին, անձամբ չկարողացա գալ քո ետևից: Դու արդեն պատմության մեջ ես՝ քո հանցանքների ու ոճիրների, երկրներ, ցեղեր, բազմադարյան հնավայրեր ու հուշարձաններ ոչնչացնելու համար... Սա էր ուզածդ: Երևի

քեզ էր վիճակված մսխել այդ հին, խղճուկ զինանոցի վերջին փշուրները, քանի որ մարդկության զարգացման նոր փուլում հնաբույր այդ զենքերը մոլորակին այլևս պետք չեն:

Ռեջեփն սկսեց ծիծաղել (վաղուց չէր ծիծաղել)՝ մեծ ճիգ գործադրելով, որ իր ծիծաղը դիվային քրքիջի վերածվի: Նա այսպես էր վախեցնում իր կնոջն ու գեներալներին.

- Իմ զինանոցներում, երևի չգիտես, դեռ ինչքան զենք ու զինամթերք ունեմ ու թե դեռ ինչն էր քանդելու դրանցով:

- Խոսքը այլ զենքերի մասին է՝ մեծամոլության, դաժանության, ստախտության...

Ռեջեփի ճիվաղային ծիծաղի համար բացված թանկարժեք առամաս-

ՌԵՋԵՓԻ ՄԻԱԿ ԵՎ ՎԵՐՋԻՆ ԶՐՈՒՅՑԸ ԵՐԿՆԱՅԻՆ Դ ԱՏԱՎՈՐՆԵՐԻ ՇԵՏ (Քաղաքական պամֆլետ)

շարի տեսքը ակներևորեն սպառում էր ներկաների երկնային համբերությունը:

- Քո մարդաբանական ուսումնասիրությունների ժամանակ հանդիպել ես սրա նմանին,- ոսկեհոտ մորթի միջից ժպտում էր Գաբրիելը: Դա շատ էր զայրացնում Ռեջեփին:

Լոմբրոզոն, ում դիմել էր Հրեշտակապետը, առաջ թեքվեց իր գահավորակի վրա և նույնպես ժպտաց Ռեջեփին.

- Քեզ մեծ դժվարությամբ կարողացաք պոկել հոգեբույժների ու մյուս բժիշկներից հոգատար ձեռքերից: Բայց հետո բոլորը միանգամից խորը շունչ քաշեցին: Հիմա հանգիստ խղճով կվայելեն խելացնությունը բուժելու վրա ընտանիքիդ գուր մսխած փողերը,- և դարձավ Հրեշտակապետին:- Ո՞վ Գաբրիել, դու շատ լավ գիտես, որ բոլոր դարերում էլ եղել են, և բոլորս ամեն ջանք գործադրել ենք, որ սրանք չվերանան աշխարհի երեսից, այլ՝ վերափոխվեն:

Ռեջեփը նույնիսկ չփորձեց թաքցնել իր կատաղությունը.

- Էդ ինձ եք ուզում վերափոխել: Ինձ, որ Քաղաքականություն ու... ու Մտանքույի այլ անբարո թաղամասերում սիմիթ ու չայ ծախողից կարողացա ինձ վերափոխել, բարձրացնել, բարձրանալ մինչև... - Գողից, սովորական խարեբայից մինչև ոճրագործ, մինչև ցեղասպան,- նրա միտքը շարունակեց նարնջագույն ծաղիկների փնջերի մեջ ժպտացողը: Իսկ Գաբրիելը չէր դադարում բարի, մեղմ ժպիտով ժպտալ: Նա նորից շոյեց ոսկեհոտ մորթին ու խոսեց.

- Քեզ հետ Մեծն Վիշնուն է խոսում: - Կարծում ես, վախեցման նրա աչքերի էր ոսկե պեծերից: Գիտե՞ս՝ ինչ ֆոսֆորային ռումբեր են թափվել իմ հրամանով:

- Մոռացել էիր, թե ինչի համար ես մարմնավորվել այս անգամ... գնացել էիր իբր քո նախնիների, նաև Էսվերի հոգու ահռելի չափերի կարման մաքրես: Իսկ դու ինչ արեցիր:- Այս խոսքերը Մեծն Վիշնուն արտաբերում էր քաղցր ժպտալով, առանց քինախոսության նշույլի:

Ռեջեփը մի պահ կորցրեց հավասարակշռությունը, բայց սովոր էր վայրկենապես տիրապետելու իր խոռովքին, շատ անգամ էր ինքն իրեն ու բժիշկներին հավատացրել, թե կրկնվող ուշաթափությունները բուժական թուլությունն են: Չարչարվում էր, որ գուցե քնի ու նորից զարթնի:

Բայց Հրեշտակապետը սպասում էր, նույնիսկ խրախուսում էր, որ խոսի.

- Դե, պատմի՛ր տեսնեմ, կարողանո՞ւմ էիր քնել էն ամենից հետո, ինչ ամեն օր լսում էիր քո հավատարիմ ծառաներից, շերբեր խմելով դիտում էիր քո հրամանով կործանված քաղաքների ու գյուղերի զարհուրելի տեսանյութերը... - Հա, քնելուց առաջ անպայման պետք է նայեմ էդ բոլորը, հանգստանամ, որոշեմ հետագա անելիքներս:

- Հանգստանա՞մ... Ստերիլ կծիկը բացեցիր, զավակս, բայց չգիտես, թե ո՞ւմ ես պատմում հեքիաթներդ... մեկին, որ ամեն ինչ գիտի,- Հրեշտակապետը էլի ժպտում էր:

- Ես քո զավակը չեմ, ոչ էլ իմ հոր՝ Էդ քո ճողովորդի, Ռեջեփի, այն միլիոնավորների, որոնց տան երեխաները վերանկել էլ չունեն ձմռանը ծածկվելու: Եթե մինչև ամառ դիմացան՝ դիմացան: Էն, որ ցերեկը մուրում, իսկ գիշերը կիսաքաղց են քնում:

- Ինչն էր խոսում, իմ հզոր Թուրքիայում, որ աշխարհում ամենահզորներից է, սոված, անվերանկ մարդ կա, ասում ես: Մեր պապերը էնքան յորդան ու բարձ են հավաքել գյավուրների տներին, որ մի քանի սերնդի հերիք կանի: Հինգ երեխեքով մեր մեծ, նախշուն յորդանի տակ ենք մեծացել: Էնքան սիրում է: Տարսնի ամենահարուստ հայի տնից է հանված: Պահել եմ: Շուտով կբացվի Բեյոլլուի տուն-թանգարանս, կարգադրել եմ՝ Էստեղ ցուցադրեն:

- Շուտով,- Գաբրիելը նորից շոյեց ոսկեհոտ մորթիքը, շարունակեց բարի, առեղծվածային ժպիտով ժպտալ:- Ինչո՞ւ ենք թույլ տալիս, որ սրանք վերամարմնավորվեն:

- Սա նրա վերջին վերամարմնավորումն էր,- ասում էր Վիշնուի՝ նարնջագույն ծաղիկների կողմից հորդող պայծառակերպ, խորհրդավոր ժպիտը:

- Ռեջեփը ճիշտ և ճիշտ քո նկարագրած տիպաբանական ոճրագործ, ցեղասպան տեսակն էր ներկայացնում,- դիմեց Հրեշտակապետը 19-րդ դարի մեծ մարդաբան, քրեագետ, հոգեբան Լոմբրոզոյին:- Հոնքատակերը ուռած, խոսելիս ծնուրդ դողում է, ավելի է մեծանում... նեղ ճակատ... Բայց, հանուն արդարության ինքն իրեն ուղղեց,- ճակատը այնքան էլ նեղ չէ:

- Շատ նեղ է, եթե նայենք աշխարհը վերածնունդի նրա բռնած գործի գառանցական ծավալներին,- արձագանքեց Վիշնուն:

- Բայց,- ոսկեփայլ մորթիքը շոյեց Հրեշտակապետը- մինչև այստեղ գալը աշխարհը հաշվի էր նստում սրա հետ, մի ռուս մեկնաբան նույնիսկ «լավ դիվանագետ» և «նորը հոգեբան» անվանեց սրան, համարվում էր տարածաշրջանի փայլուն քաղաքագետներից մեկը: Աստծո այս արարածը չգիտեր, որ խաղալիք է աշխարհի հզորների ձեռքին, կարծում էր՝ ինքն է բոլորին մատնեցի վրա խաղացնում:

- Ինչո՞ւ ես իմ մասին անցյալ ժամանակով խոսում, լավ կլինի՛ ես էլ քո մա-

սին անցյալ ժամանակով խոսեմ:

Ներկաները համերաշխ ծիծաղեցին:

- Բայց ինքը ինչ մեղք ունի... ատավիզմի գոն է,- ճոճաթոռի հետ առաջ եկավ Լոմբրոզոն:- Տեսնե՞ք, պոչուկի երուստը երկարում է, փշաքաղվել է ամբողջ մարմնի առատ մազածածկույթը: Ամեն ինչից երևում է, նա ոչ միայն չի հասել էվոլյուցիոն նոր փուլին, այլև դրա հետ որևէ կապ չունի... - Վերջերս հրամայել էիր, որ քեզ այլևս ցույց չտան տեսաֆիլմերը: Երագունդ քուրդերի, հայերի փոխարեն, զինվորներդ թողնա՞ր ականջներն էին կտրում, մորթում էին տատիկ ու պապիկ, սիրելի Թեմալի մայրիկիդ՝ այդ բարի, քաղցրաշուրթ կնոջը...- նորից խոսեց Հրեշտակապետը:

- Մորս բան չասե՛ս, նա իմ աստվածուհին էր: Լավ է, նրան մինչև 83 տարեկան թագուհու պես պահեցի, ուսս նրա դագաղի տակ դրեցի: Մենակ չասե՞ք, թե նրա մեջ հայի արյուն է եղել, սուտ խոսքեր են, չեմ հանդուրժի:- Ռեջեփի աչքերի զայրացած փայլը պղտորվում էր գլոր-գլոր արցունքներից:

- Լոգանում էիր գոհերիդ արյան մեջ,- շարունակում էր Հրեշտակապետը,- փեսայիդ շատ հաճախ տեսնում էիր հռոնացող զինվորներիդ կողմից բռնաբարվելիս:

- Բայց աղջիկս՝ Եսրաս, չէր նախատում, այլ ասում էր. «Ոչինչ, աթա՛մ, դու քո գործին կաց, դրան չո՞չ չի կախի»: Իսկը իմ կտորն է քյոփեկը: Ո՞նց եմ սիրում դրան... - Գաբրիելը սղալեց իր ոսկեհոտ բեղերն ու շարունակեց.

- Բիլալ որդիդ շատ հաճախ՝ ֆոսֆորային ռումբերից այրվածքներով, վրադ էր նայում... - Ռեջեփը բռունցքով շփում էր ակնախոռոչը, կարծես փուշ էր ուզում հանել այնտեղից:

- Բայրամի գիշերը քո Էմինե Գյուլբարանին տեսար զարշահոտ զինվորիդ գրկում, կատաղած վեր թռար, բարձիդ տակից հանեցիր ատրճանակը, փշրեցիր ննջասենյակիդ միլիոնանոց ջահը: Կրակոցից Էմինեդ վեր թռավ: Ասաց, որ նույն երազը ինքն էր տեսնում... - Թե ինչներին էր պետք ննջարանում ջահ: Գյուլբարանի ճաշակն է, արաբ հոր տանը ինչ ախմախություն երագել է, պիտի ունենա հենց հիմի... - Քո մյուս երագում քուրդը ականջներդ էր կտրել, անցնում էր մյուս անդամներիդ: Ահուսարափից քրտինքի մեջ կորած՝ գոռոգոռում էիր: Գյուլբարանդ քեզ փրկեց, տեսավ՝ ապտակելը չի օգնում, իրենից անբաժան մտրակով խփեց դեմքիդ, արթնացար:

- Էդ բոզի աղջկան էն շան օրը գցել տվի, որ էլ չուզեց մտրակ պահել: Լավ է՝ դրանից առաջ աղախինը գտել էր բարձի տակ պահվող ատրճանակը: Մի ծեծ էլ դրա համար էր կերել:

- Ջինվորներիդ Ջաբրայիլում հայտնվելու օրը եկա քո երագում այն պահին, երբ բռնաբարված աղջկադ՝ Սուլեյեի դիակի վրա ողբում էիր... - Էդ դու էիր, հա՛... Ամբողջ էությունովս զգացի, որ կողքիս սուրբ է կանգնած, ուզում է ինձ մխիթարի:

- Ուզում էի քեզ խելքի բերել:

Շ ա Ր Ո Ն Ն ա կ Ո Ւ Յ Ո Ւ Ն Ը՝ Է 2 8

ՌԵՋԵՓԻ ՄԻԱԿ ԵՎ ՎԵՐՋԻՆ ԶՐՈՒՅՑԸ ԵՐԿՆԱՅԻՆ ԴԱՏԱՎՈՐՆԵՐԻ ՇԵՏ

Վիշնուն արդեն ձեռքն էր առել սրինգը, և նրա քաղցրահունչ, հրեշտակային հնչյունների մեջ Ռեջեփին զգում էր, թե ոնց է փափկում, հայտնում: Թափ տվեց իրեն ու հոխորտաց Հրեշտակապետի դեմքին:

- Ես էլ համոզված էի, թե եկել ես ինձ ուժ տալու, որ հանկարծ չթուլանամ, հանկարծ չտրվեմ ինչ-որ խղճահարությունների: Պատերազմ է, ինչ խիղճ, ինչ բան:

- Իսկ ինչ է ասում Ղուրանը...- իր հետ լույսի մի նոր փունջ բերելով՝ առաջ եկավ Աբու Բաքրը, որ Մարգարեի կենդանության օրոք նրա մերձավորն էր, բոլոր իսկական հավատացյալներին հայտնի՝ իր բարի գործերով ու արդարամտությամբ: Սուրբ Ղուրանն ասում է, Ռեջեփի,- խոսեց համեստափայլ Աբու Բաքրը,- «Նա, ով հույս ունի, թե կհանդիպի իր Տիրոջը, թող արդար գործեր կատարի և բացի իր Աստծուց, ոչ մեկին չերկրպագի»: Իսկ դու ու քո բոլոր մերձավորները երկրպագում եք *Փող, Ջենք, Փառք* աստվածներին:

- Վայ, ո՞վ Աբու Բաքր, դու է՛լ ես էստեղ՝ էս... էս ինձ չհասկացողների հետ: Ինչո՞ւ ինձ հենց իրեն՝ մեծ Մարգարեի մոտ չտարար: Նա ինձ կհասկանա, Նրա անունով եմ գործել միշտ:

- Այո,- նորից խոսեց Աբու Բաքրը,- Դեռ դպրոցում փորձում էիր բարեպաշտ մահմեդականի դիմակի տակ թաքցնել արատներդ՝ գող, խաբեբա էիր դպրոցից դուրս, ստախտության համար դնքսում էր քեզ աստվածավախ հայրդ, բայց օգուտ չունեիր, անգամ քո տնից էիր բաներ թոցնում: Մտադիր էիր բարեպաշտ պապիդ նաման իման դառնալ, բայց հասկացար, որ բնածին հակումներդ քաղաքականության մեջ գործի դնելն ավելի շահեկան է:

- Նվագի՛ր սրինգդ, ո՞վ Վիշնու, քանի դեռ չենք հոգնել սրա բարբառանքներից,- հորանցեց Հրեշտակապետը:

- Էլ չեն ժպտում, էլ քո գավակը չեն, հսկա՝ քննիչներով Գաբրիելին նայեց Ռեջեփը:

-Թող սրինգդ,- մտափոխվեց Հրեշտակապետը,- ավելի լավ է՝ իմ այս կորսված գավակի համար շարադրես մարդկությանը սպասվող հայտնատեսությունդ:

- Ես ուզում եմ վստահեցնել,- սրինգը մի կողմ դրեց Վիշնուն,- որ մարդկությունն ընդհանուր առմամբ պատրաստ է իր գիտակցությունը փոխելու ճանապարհով անցում կատարելու Նոր Դարաշրջանին: *Հարդարձի կեպր հարթահարված է:* Հիմա խիզախություն է անհրաժեշտ:

- Խիզախություն: Տեսնում եք, ես ճիշտ եմ,- լավեց Ռեջեփի խզված ձայնը:

- Այսպես սրա ձայնը խզվել էր 2017 թվականի ընտրարշավի ժամանակ,- հիշեց Աբու Բաքրը,- ու սա ստիպված հրաժարվեց Վանի ու Էրզրումի գավառներում իր ելույթներից: Նրան հուշում էի, որ դա Ալլահի նշանն է, թե այս տարածքներում, որ հայերին է, իրավունք չունի խոսելու, բայց սա նրբ է Ալլահի նշանները բանի տեղ դրել:

Վիշնուն շարունակեց իր ուղերձը.
- Նոր Դարաշրջանին բնորոշ կլի-

նեն հանդուրժողականությունը, ազատությունն ու անկախությունը:

- Բա ասածս ինչ է: Անհավատները պետք է հանդուրժեն իմ բոլոր քայլերը, թուրք ժողովրդի ազատ կամքը:

- Եվ երեկվա կենսակերպի դիտարկումը ստիպված կլինեն լքելու համաշխարհային թատերաբեմը:

- Հայ, էլի, իսկ էդ հայ դիտարկումը ոչ մի կերպ չեն ուզում հեռանալ համաշխարհային թատերաբեմից, որ մեր նախապապ Օսմանից սկսած՝ արյունքրտիկներով ենք ներկել:

- Ամենայն առաջադեմ բան, որ չի հակասում Աստծո օրենքին, սկզբունքներին ու մեթոդներին, այսուհետև դրական մտածողության համամոլորակային ցանցով լույսի արագությամբ կտարածվի երկրագնդով մեկ: Մուտքագրվող անունը կլինի՝ Նոր Դարաշրջան, գաղտնաբառը՝ «Գիտակցության նոր մակարդակ»:

- Լսեցի՛ր, գավակս, Մեծն Վիշնուին: Ասացի, որ ինձ հեջ պետք չի քո գավակը լինել, ես թուրք մեծ ժողովրդի գավակն եմ:

- Դու նա ես,- հանդարտ, իր ասածի ծանր կշիռն իմանալով ու սրտի խորը ցավով ևս մեկ անգամ միջամտեց Աբու Բաքրը,- դու նա էիր, որ չէր թողնում իր ժողովրդին գլուխը հողից բարձրացնել: Բո ժողովուրդը, օրը մի քանի անգամ, Մուհամեդից պետք է ծնկաչոք ներողություն խնդրի, որ քեզ ու քո նմաններին լույս աշխարհ է բերել: Էդ ինչն էր անում Ալլահի անունով, ինչն էր ծաղկեցնում երկիրդ, ուրվականների երկիր էիր դարձրել: Սպանդ էիր անում ամեն տեղ, ուր ոտքդ դնում էիր: Մեր Ալլահն ասել է, որ անտեղ արյուն թափողը դժոխքի բաժին է: Դու ու քո կամակատարները վաղուց խառնել եք հալալն ու հարամը:

- Արդեն ամոթի պես մի բան է հայտնվում դեմքին,- խոսեց Հրեշտակապետը,- կարող ենք հուսալ, թե սա զղջալու է իր արածների համար:

- Ինչ ամոթ, ինչ զղջալ,- փորձում էր հոխորտալ Ռեջեփը, կարծես իսկապես առաջին անգամ էր լսում «ամոթ» և «զղջալ» բառերը, բայց Աբու Բաքրը լռեցրեց նրան:

- «Ամոթի զգացումը բարիք է իր ամեն ձևերի մեջ»,- ասում է մեր սուրբ Ղուրանը և էլի ասում է. «Ամոթ ունենալը հավատի նշանն է»: «Ամաչեք Ալլահից հարկ եղածի պես»: Բայց քեզ ամենահարմարը սա է, Ռեջեփի, որ ասել է մեր սուրբ Մարգարեն (խաղաղություն նրան և օրհնություն Ամենակալին). «Եթե ամոթ չունես, արա՛ ինչ ուզում ես»:

- Ինչն էս ուրանում, ո՞վ Աբու Բաքր, ես չեմ, որ ներողություն խնդրեցի էդ քուրդ ալիսներից 37 թվի Դերսիմի ջարդերի համար:

- Երևի քո արած ջարդերի համար էլ քո հաջորդներն են ներողություն խնդրելու,- իրեն զսպելու անհաջող ջանքերից սրտնեղեց Աբու Բաքրը:

Հանկարծ շուրջը բոլոր գույները փոխվեցին: Վիշնուն շուրթերին էր մտնեցրել սրինգը: Մեղեդին միան-

գամից ձուլվեց թափանցիկ լույսերին, կերպարանափոխվեցին ներկաները: Գաբրիել Հրեշտակապետի ոսկեհոտ մորուքը, վարսերը, ոսկեգույն աչքերը բարությունից գառ նան կարոտ էին սփռում ամենուրեք... Կարոտ մի շատ կարևոր բանի...

Շողարձակումները մանրիկ մարգարայա գնդիկների պես խայտում էին...

Ռեջեփը շփոթվել, կանգնել էր անորոշ ու անպտուղ գորշ ամալի նման: Թաքնվելու տեղ չէր գտնում: Ուր որ է՝ կուրանալու էր... Բոլորի հայացքը հատվել էր դեպի վեր, որտեղից իջնող լույսը գերակշիռ էր նույնիսկ բոլոր այս շքեղաշուք լույսերից... Ռեջեփը բռունցքներով, ինչպես փոքր ժամանակ արցունքներն էր սրբում, երբ իրեն ծեծում էին վատահամբավ թաղերի աֆրիկյան գնչուները, գողանում իր վաստակած դուրուշները, շփում էր աչքերը, որ չբացվեն, բայց հետև էլ շատ էր ուզում նայել վեր՝ բոլորի հայացքի ուղղությամբ: Վախով բաց արեց աչքերը... տեսավ Նրա՝ Տիրամոր իջնելու պահը... Փորձեց դողացող ծնկները միմյանց սեղմելով պրկվել, չփլուզվել: Չկարողացավ: Ծնկի ընկավ: Տիրամայրը մոտենում էր իրեն: Ռեջեփը չգիտեր՝ ոնց անի, որ հայացքը կտրի նրանից: Տեսնում էր, թե որքան ամոթ է Նրա հետ նույն հարթության վրա մնալը, բայց փախչելու տեղ չկար: Տիրամայրն իր գորովագութ ձեռքեր երկարել էր, որ դիմ Ռեջեփի ճաղատացող գլխին:

- Մի վախենա,- ասում էր նրան:

- Չեմ վախենում,- դողողաց նրա կոկորդը,- միայն թե այս մեծ լույսը կուրացնում է ինձ: Քեզ չեմ կարողանում տեսնել, քո գեղեցկությունը չի տեղավորվի իմ իմացած տարրություններից ոչ մեկի մեջ: Ինչն էս եկել: Ո՞նց եմ բերանս բացելու, լեզուս շարժելու սրանց առաջ, երբ դու ես էստեղ: Էս վարդաբույրը հարբեցրել է բոլորիդ, բայց ինձ չեք առնի դրանով... Ինչ եք աչքներդ վրաս պլշե՛լ, հոգեբուժարան է պետք տանել բոլորիդ:

Տիրամայրը արդեն մոտ էր, նրա աչքը արդեն դրված էր Ռեջեփի ճաղատացող գլխին: Խեղճը խուճապի մեջ նայեց Տիրամոր ձեռքին, զարմացավ, որ այդ ձեռքը մաքուր, պայծառ լույս է ճառագում ու չի խորշում իր հողայնությ, գորշ քրտնակալած գագաթին հպվելուց... Ընկավ գետնին, որ պոկվի ձեռքի այդ հպումից, դեմքով թաղվեց գնդուկա խոտերի մեջ... Չգիտեր՝ թրջված հրեշի իր տեսքով ուր թաքնվի... Շուրջը հավաքվածներից ոչ մեկին չէր կարող սարսափ ներշնչել:

- Թողնե՛ք ետ գնամ,- տեղից վեր ելավ ու նորից ծնկի ընկավ, լացող դեմքը քսեց գնդուկա խոտերի կանաչ ծածկույթին: Աղաչում եմ, Մեծ Թուրանը առանց ինձ կմնա միայն գաղափար: Մեկ էլ նրբ է ծսվելու մի նոր Ռեջեփի, որ էս մեծ գաղափարը կյանքի կոչի...

- Բո ինչն է պետք Մեծ Թուրանը,- անկեղծորեն խղճահարվեց ու մի անգամ էլ խոսեց Աբու Բաքրը՝ խելափրտ պատասխան սպասելով պարանոյիկից:

- Իմ ինչն է պետք,- զարմացավ Ռեջեփը,- Ուզում ես ասել, որ իզնոր էին իմ բոլոր չարչարանքերը: Իզնոր եմ էդքան զենք կուտակել: Ամբողջ իսլամական աշխարհին է պետք:

- Իսլամական աշխարհի սովյալներին զենքով ես կերակրելու:

- Ջենքով անհավատներին եմ կերակրելու,- փորձեց քրքջալ, բայց ծղրտոց ելավ կոկորդից:- Միթե դա չի Ալլահի ուզածը, որ Ջեննեթ տանի ամեն մի մուսուլմանի հոգին...

- Դու հույս ունես, որ Ջեննեթ ես գնալու,- անչափ խղճահարությամբ ևս մի անգամ խոսեց Աբու Բաքրը:

- Չէ, դեռ կիսատ գործեր ունեմ, շատ անելիք ունեմ, թողե՛ք գնամ իմ, իմ, իմ երկիրը:

- Լավ,- հոգնած արտաբերեց Գաբրիել Հրեշտակապետը,- թողնում ենք, գնամ, բայց այս անգամ կանգնելու ես քո զինվորի կողքին, ահա այդտեղ,- Տիրամայրը, իր լուսափայլ ձեռքի տակ առած Ռեջեփի գլուխը, տիկնիկի գլխի պես շրջեց դեպի էկրանը...

Խեղճված, գազաններից հոշոտված դիակների, գնդակոծումից վիրավոր գետերալի արյունլիկ գալարումների, զինվորների սուկահար հայացքների, հատաների մեջ կանգնած էր Ռեջեփը՝ կարմիր ֆետր գլխին, ատավիստիկ իր դրսևորությունով՝ փշաքաղված սև մազածածկությունով, իր հետզհետե երկարող պոչով դիվանանճերին այսուայն կողմ էր քշում ու չէր ազատվում նրանցից...

Վերին դատաստանի առջև կանգնած՝ նա փորձեց հոխորտալ սուսկումնահար փախչող զինվորների ետևից, բայց կոկորդից միայն խզված դուրս եկավ... Սկսեց բռունցքներով հարվածել աչքերին...

Տիրամայրը նորից նրան առավ իր լուսաշող ոլորտը, գլուխն առավ ձեռքերի մեջ ու գորովանքով նայեց ուղիղ աչքերին...

- Լավ,- հուսահատ համաձայնեց Ռեջեփը,- ինչն է, տարեք ինձ Ջեննեթ:

- Ջեննեթ,- զարմացած իրար նայեցին ու մի պահ անշարժացան քիչ հեռավոր խոնաված, անհամբերությունից իրար հրիքող, շրթունքները լսատող ու տեղում անճոռնի ոստոսացող բոլոր շեյթաններն ու նրանց ճուտերը:

- Տարե՛ք,- կարգադրեց Գաբրիել Հրեշտակապետը նրանց: Դեմքից չքացել էր ոսկեհոտ ծախուրը...

Իսկ Տիրամայրն իր լուսաշող ակտուսանքով նայեց նրա ետևից, լաց եղավ մարգարայա արցունքներով ու որոշեց մի անգամ էլ իջնել Շուրջի Սուրբ Դազանեցոց եկեղեցու խորանին... Իջավ:

Իրեն Մուհամեդի օծյալը համարող մի ընտանիք խուճապահար դուրս պրծավ եկեղեցուց, ցատկով տեղավորվեց արևից շիկացած «Ջիփի» մեջ... Տիրամայրը նրանց ետևից էլ նայեց ակտուսանքով ու խորը վշտով...

Օգտագործված են թեմային ստույգ վող հրապարակումներ և համապատասխան գրականություն: Փաստերը հնարավորինս արտագծված են:

Գրական Թերթ Գլխավոր խմբագիր՝ Կարինե ԽՈՒԴԻՅԱՆ

Հրատարակում է «ՀԳՄ»-ի «Գրական թերթ» խմբագրությունը՝ ՍՊԸ-ն: Վեպայկան՝ 02Ա 051126: Գրանցման թիվ՝ 1175: Ծավալ՝ տպ. 2 մամուլ: Տպագրանակ՝ 1000: Գինը՝ 100 դրամ: Լույս է տեսնում յուրաքանչյուր ուրբաթ:

Նյութերն ընդունվում են համակարգչային շարվածքով, չեն գրախոսվում և չեն վերադարձվում: Խմբագրությունը ոչ միշտ է համակարծիք հեղինակների արտահայտած տեսակետներին: Արտատպոթյան դեպքում հղումը «Գրական թերթին» պարտադիր է: Թերթը տպագրվում է պետական մասնակի աջակցությամբ: Տպագրությունն իրականացրել է «Վան ԱՐՅԱՆ» ՍՊԸ-ն՝ ՀԳՄ «Լ. Զ. ՄՅՈՒՐՄԵԼՅԱՆ» տպագրատանը:

0019 Երևան 19, Մարշալ Բաղրամյան պող. 3, էլ. փոստ՝ grakanter@gmail.com